

宣
統
新
疆
圖
志

新疆圖志卷五十六

交涉四

光緒十三年添設省城及南北兩路稅局並以俄國商務日興奏請飭下總署照會俄使議訂稅則一律開辦以昭平允

案查是時俄使方請增設烏魯木齊總領事給予圈地推廣貿易旋因我欲議訂稅則迺節詞延宕兩作罷論是年俄國地理會會員康穆才甫斯基爲大小帕米爾之游俄儲贖七千盧布以寵其行歸國後地理會復贈以勳章所著遊記珍祕不傳於世他國之人罕得而睹焉核其遊踪自帕米爾外北至喀什噶爾南至葉爾羌東南自和闐入後藏折回至坎巨堤一帶尤詳於喇斯穆庫河旁云

又案新疆南連印藏西通波斯至於裏海常爲英俄競爭之地兩國國家歲派游歷員跋履其間躬冒艱險不憚冰雪瘴癘之苦由喀什噶爾南嚮則取道和闐經波魯以入衛藏西嚮則取

道喀魯爾沿葉爾羌河經章宗憂爾以入大小帕米爾其由喀魯爾分道南踰穆斯塔格山則爲入巴勒提之路又沿葉爾羌河西至塔什庫爾干抵尼若塔什山口之麓亦通大小帕米爾西人謂爲漢唐以來東西相通之孔道查新疆識畧葉爾羌西至色勒庫爾回莊八百里正當其地卽今之蒲犁廳屬也故遊歷諸人大都以葉爾羌喀什噶爾爲理裝停頓之所以其地處適中西行南行皆於此薈集也凡遊歷西人多出其國之地理會旅行資斧咸取給於會中歸則出其遊記報告於會會長得叙其勞肆贈之勳章以旌其功其所記述則會中醖資爲之刊行若關於國界之尤祕密者則錄而上於政府國家常懸不次之賞以矜寵之以故其人常受國人之歡迎雖蒙犯霜露觸冒寒暑而無少於悵蓋名譽之心勝之也

光緒十四年錫綸升任伊犁將軍查伊犁積案甚多懲前毖後深知司牙孜辦法有利無弊

奏請仿照塔城成案廣續舉行

案查錫綸奏言哈薩克部衆分屬中俄散處伊塔邊境其人慄
驚性成外屬俄者尤甚雖其酋長莫能鈐制互相劫掠卽互相
控告前在塔城任內習知其事因知照俄官試行司牙孜辦法
公同派員會識不用中俄法律但依哈部經典習慣之法或罰
或賠彼族向有條例其中有應行增刪竄易者先期派員會同
俄官擬訂以臻妥善俾易遵循現查伊犁中俄哈屬互控之案
自光緒八年至今積壓至一千四百宗之多其中尙有中國
官兵及漢繚商民遭其戕害之事若再不清結將來愈多深恐
枝節橫生更形棘手當經知照俄國七河巡撫佛哩德請照塔
城成案辦理接其回文允卽派員會辦並送到豫定條約二十
八條詳加覆核添擬八條照覆施行擇定霍爾果斯河迤北中
俄邊界克依根地方設立會所兩國派員公同審理並定以每
屆三年會辦一次永著爲例奏奉

俞旨是爲伊犁第一次辦司牙孜之始共結案一千五百餘起塔城參贊大臣額爾慶額亦於是年續辦第三次司牙孜共結案一千五百四十三起是年英官私與坎巨堤回部立約允予保護浸與聞坎部內政坎巨堤西北有徑連通帕米爾者西域圖志稱爲葉什勒庫者也當乾隆二十四年勘定南疆將軍富德窮追霍集占回酋一至其地事平

高宗純皇帝御製碑文勒銘紀功其上地勢穹隆居葱嶺之脊布魯特回族常游牧插帳焉嘉道以後我邊吏以其地寬遠視爲歐脫久置不問至是帕米爾西北境回衆稍稍附屬於俄其迤南小部則附於英屬之阿富汗英人患俄據有全帕將南隅坎巨堤以爭印度北部思有以惹俄之謀乃假道於坎修築一路橫貫坎中北部抵興都哥士山口扼要塞以備俄

光緒十五年帕米爾分界議起俄人康穆才甫斯基復奉地理會之命由鄂什取道又名窩什在費爾干省之東距喀城明瑞卡約

八日程續游帕境欲考察阿富汗屬地喀費爾依什坦

案查是時俄人方與阿富汗交爭帕地阿兵進踞什克南禁俄人入其境康改道出喇斯穆庫山至克什米爾都城爲英人所逐復入中國境至葉城之奇靈時有俄人畢甫察甫偕鑛師來游探測鑛苗駐於和闐康乃順崑崙北麓東行會畢於泥雅城取道托古茲達坂以入衛藏查康遊記云由泥雅南至索爾曼克此爲崑崙北麓踰托古茲達坂至波魯初順庫喇哈河頗不易行二三日卽否此處平地高萬六千尺隨處皆冰寒表在二十度至二十四度由波魯入藏歐人往來不少惟爲時太早尙非通行以七八九月爲宜蓋康遊歷時在西歷四月末當中歷三月也是時英固有坎巨堤之役又值帕界紛爭未決英俄兩國遊歷之員交然於道時則有英人楊哈思班爲英國地理會之著名遊歷家從北京騎馬直至克什米爾康穆才甫斯基遊記謂楊哈思班眞俊健之遊歷也信然楊哈思班此行專爲坎

巨堤情形而來兼及大小帕米爾形勢楊自克什米爾之拉達克循沙昔都拉至葉城之奇靈西進至阿奇爾山探烏帕朗河順南行至蘇格穆準噶爾溯考河源欲探穆斯塔格通坎巨堤間道復從喇斯庫穆河至章宗晏爾大道入帕境由塔克敦巴什南踰明塔曼山口抵坎之混雜城同行者有馬格里畢次來那爾皆英人惟畢來二人係往帕米爾一帶行獵者又有英國地理會員的維森者繼至爲考察穆斯塔格山脈亦結隊同遊楊哈思班輩行至布才拱巴什爲俄軍所阻中道折回而的維森已躡俄境俄人以方有軍事禁其遊歷居之於費爾干省

要地

害與救其害兵家所忌圖之利不可以示人故俄人遊英屬地之英人遊俄境則俄亦止之其理甚遠計正復相同倘我國邊境遇此等事出入如無俄人之圖測其動靜無所防備呼是亦可異也已

光緒十六年英國駐京使臣牒告我政府藉詞畫清阿富汗邊界以勘分帕米爾之地爲請

案查我政府恐啟俄人之爭拒弗許

光緒十七年俄兵侵入帕米爾境爲撫浩罕牧地兼通道印度計

英人亦襲娜格爾陳兵坎巨堤界以禦之依山岩建礮臺俯臨坎境

案查時值坎部內訌坎曾賽必德咬里汗弑其父母投殺兄弟於山下而自立國人大亂英國遂以討逆平亂爲名由娜格爾進兵坎曾傾衆拒之英軍連戰皆捷乘勝入踞坎之混雜都城坎人赴喀什噶爾告急於我巡撫陶模電問於朝於時京外議者咸以坎部舊爲藩服事連帕米爾邊界不宜棄土地而侮我心且聞阿富汗之兵已至帕之蘇滿噶魯布回揚言東犯俄人又進兵帕地傳聞西隊已與阿人戰於蘇滿東隊則遊弋於朗庫里湖阿克塔什一帶距我邊漸近情殊叵測爭言用兵將開邊釁獨陶模力持以爲不可議言能戡內寇之將士未必足以禦強敵軍中資用饟械運諸內地數月始達而俄人鐵路已築至撒馬兒罕英屬鐵道亦接至北印之旁兒地方徵兵運饟遲速迥殊且全疆南北邊隅與俄犬牙錯壤者幾五千餘里雖增

兵十倍不敷防守俄若輕騎襲我由齊桑淖爾走布倫托海徑
犯鎮西哈密卽梗斷我咽喉當此民窮財殫之時豈宜孟浪言
戰輕啟衅端爲靖邊計惟嚴飭將吏簡練軍實添購礮械推廣
電綫以慎固我封守一面鎮撫娜坎流民羈留坎酋毋令走俄
匪英庶得中策因具牒致俄費爾干巡撫英印度總督並咨商
總理衙門爭於駐京英俄公使時政府不知用兵非計電令駐
俄使者許景澄駐英使者薛福成詰難於英俄外部俄廷謾言
俄兵所至未越邊界非中國所宜問英人則謂坎巨堤久服役
於克什米爾英兵代娜語坎人勿助以兵坎弗從曲在坎且坎
曾弑父虐民掠賣英屬人口罪當討許薛二使爭論旬月俄日
防英英亦日防俄竟相持不能決是年巡撫陶模以俄人屢有
增設省城總領事之請咨商總理衙門近屆十年換約之期我
亟應援約與議收稅以爲抵制總署以爲然復牒告俄使往返
辯論始終堅辭商務未旺不果行

宣統元年三月間英俄在俄廷議定
已行俄國則英兵隊及諸國於俄廷而俄廷即以

未明邊界設法其詞以
覆我其是與否能斷也

光緒十八年夏俄兵進駐蘇滿英兵亦助阿富汗人爭之漸逼近
我喀什噶爾邊境

案查巡撫陶模以邊界關係重要派兵前往蘇滿駐紮常川梭
巡以資防守而阿人貽書我邊吏謂蘇滿本什克南地什克南
係帕米爾南境小部落早屬於阿故地當歸阿人發兵偵俄
無預中國事俄人亦以毋庸派兵前往駐紮防守爲請陶模慮
我駐紮防軍輕率搆毀不得已電飭駐防馬隊三旗暫行撤退
仍留蘇滿卡倫俄人又復藉詞借我蘇滿駐兵防英並欲佔我
烏孜別里以南各境時喀什噶爾提督董福祥憤激主戰尤與
俄領事相忤陶模多方維持謂屬地當爭邊隘當守兵費萬不
可開豫備不虞徐圖轉圜毋以小忿啟大衅有罪某一人當之
先是總理衙門與俄英使臣商論擬會勘帕界以息爭端俄使
堅欲我盡撤帕境新設各卡然後勘界否則俄國亦將進兵總

署難之因密電薛福成暫置帕事不提先向英廷將坎巨堤事議結而後徐圖勘界冀得英助以懋俄至是福成迭與英外部磋商始允我會同派員赴坎册立新酋以全兩屬體統福成奏言迭晤商英相沙力勃雷據言英國實無滅坎之心亦無阻坎入貢中國之意祇因坎酋罪惡甚多不得不示懲儆臣卽就其所言與彼外部理論覺其詞意閃爍初次存坎之說既甚游移而必欲據坎之心則甚堅韌幸而窺彼隱情頗以俄餒方張亟思聯絡中國不欲欽怨樹敵臣得就此設法磋磨最後適言遴選舊酋之弟摩韓美德拏星立爲坎部頭目中英各派員赴坎會行册封典禮竊以舊酋聲名甚劣英人聲罪致討自謂合於公理勢難強使復國且係中英兩屬與專屬中國者微有不同當與總理衙門往返電商意見相合彼旣以立酋爲轉圜我卽藉保小爲退步似於兩國邦交均有裨益

上從之飭總署電達陶模辦理是年五月新疆遣派遊擊張鴻

時知縣田銘鼎坎事大定是時馳赴坎城誘其舊酋速至省城
圈禁令其弟摩韓美德拏星率餘民歸部其月會同英官及克
什米爾國人冊立新酋諭令鎮撫部民守我屏翰坎事大定是
時帕米爾常有俄兵入境遊弋意圖侵併政府會議以帕境山
深苦寒俄得其地害我輕而損英重我得之不能設官徒增兵
轉餽歲糜巨帑疲國力以固英國亦非勝策議作三國願脫公
地各不相佔電令許薛二使臣向英俄外部宣布此意英政府
頗願樂聞俄則謂地屬中俄但願兩國勘分非英所宜預卒不
果行景澄疏言帕米爾荒寒不毛冰雪早封一歲之中僅三四
月得暢往來本無纖利可爭然南踰因都庫什山卽達印度東
經葉爾羌可至衛藏故俄人連歲遣兵遊弋意圖佔併與我喀
城西境漸致糾葛臣以爲非畫清地界不足以弭衅爭非增繕
守備亦不足以決界議查喀城自烏孜別里山口以南皆與帕
境連接尤以葉爾羌之色勒庫爾爲扼要之地其間有地曰塔

什庫爾干者最爲東西要道遊歷洋人出入帕地率以此爲理裝停頓之所謂其水土較善耕牧皆宜頗萌歆羨夏間俄兵揚言欲至其地亦非無因應調防兵一枝常川駐紮兼設縣治撫輯回衆置爲重鎮稍北塔曼爾瑪山口賢朗庫里等處亦應分防遵守新疆撫臣應於明年春夏之交親赴巡閱察視防務接洽外人以利控馭原駐喀城提督卽出駐邊營以資彈壓邊廷耳目將帥所蒞則號令一新庶令彼族訓知我注重邊防或可收上兵伐謀之效福成亦奏言英藉保護阿富汗之名遠涉帕境其意本不在分地而在防俄英若分地於勢不順而隱助中國以分地則其事易成英冀中國得地稍多支格其間可隔閡俄兵之南下臣前商之英外部已飭駐俄英使與俄外部商辦據言英俄須各派員赴帕查勘再行定議今作爲甌脫公地之說既不能行俄人又派兵遊帕據其自告英員欲以朗庫里湖爲界益與我喀什噶爾各城相近若不妥籌分界恐俄人益肆

詭謀而英人或漸生異志事端百出更費躊躇惟有由總理衙門設法催俄分界勿使藉詞推宕以期與英使在俄商辦之事遂相浹洽則一勞永逸當有把握英雖不肯顯助中國以結怨於俄然暗通消息稍持公論實在意計之中似亦可乘之機奏入

上覽其議飭總署催商俄使從速勘界然俄人狡譎始終堅持不願英人與聞於是三國相持陳兵境上累歲不解是年並有俄兵越界於蘇滿黑孜吉牙克塔墩巴什各卡一帶樹立木桿粘貼俄文巡撫陶模當派管帶馬隊張鴻疇帶隊前往按約理阻並咨請總署電許景澄詰問旋得俄國覆電云塔什干兵已撤回併已轉告彼督以後勿令弁兵過界所立木桿聽由華官

拔毀

李是役也俄軍十餘支屯於布倫軍營色勒庫爾塔墩巴什等處是年俄國派一二門戶開屯營之處距城已遠或下里近亦四五里山崎嶇仄不通車馬為交兵無礙為秋食月糜餉高而營官戰勢必不給故陶模覆俄之

然當時亦有以俄使為難者之意故

光緒十九年伊犁將軍長庚塔爾巴哈台參贊大臣額爾慶額以

塔屬巴爾魯克山形勢險要水草豐腴當升泰分界時俄人以彼屬哈薩克驟難遷徙商借十年權且安插俟陸續遷歸仍交中國收管但自此山借歸俄後地方愈形狹隘本屬哈薩克不敷住牧四出潛逃時因爭佔草場互相搆釁扣至本年九月已屆十年期滿卽應按約收還以固邊圉

案查是年伊犁將軍長庚奏派伊塔道英林塔城領隊大臣圖瓦強阿與駐塔俄領事寶德林商還借地事未竣而寶德林歿繼任者爲伯勒滿意存翻案揚言寶德林辦理錯誤伊奉俄廷命非再展十年不可英林等以俄屬哈薩克將次遷竣無可再展應卽會勘交還以固和好極力辯駁柏始無語乃將巴魯克山依限交還

光緒二十一年俄國使臣續申前議擬於我省城設總領事因知我必不允卽以移置爲名冀得轉圜迺請罷吐魯番領事而移駐烏魯木齊總理衙門許之

案查自烏魯木齊改設行省以來俄人屢請添設總領事官我拒不許俄又不承商務暢旺之名蓋以光緒七年條約有暫行免稅之語並聲明俟商務暢旺即將免稅條例廢棄議訂稅則彼請設領事則我議收稅與爲抵拒巡撫陶模持之尤力故終其任俄人不得逞志至是俄遂以吐魯番領事斐得羅福改充省城總領事並請開貿易圈於南關外三道橋南官大路東西兩段地趾皆劃入焉查新疆通商各城於迪化省城於喀什噶爾於伊犁於塔城各處俄國領事署中均設有副領事官繙譯官幫辦繙譯官醫官衛隊武官護衛兵若干名其不設領事之處則由商民公舉代表一人名曰阿克沙哈勒卽商務董事之意亦有沿用鄉約舊名者如古城一隅貿易較爲繁盛則別設商務董監理之其南北各城或置阿克沙哈勒或委商董或設商約則因商務之繁簡隨地而異其分焉至蒙古地方惟烏里雅蘇台俄人於其地設辦事委員一人兼理科布多阿爾泰兩

城之事其權倖於領事矣先是伊犁塔城喀什噶爾自設領事後俄商往來如織交涉之事日以繁滋均已設有中俄通商各局專理其事本年以俄人於烏魯木齊有總領事之移設復設中俄通商總局於迪化省城以鎮迪道主之其喀什噶爾分局則以喀什道主之皆受成於巡撫伊犁則以伊犁道主之而受成於將軍巡撫塔城則參贊大臣自主之而委章京二員駐局辦事其科布多烏里雅蘇台之通商局阿爾泰山之中俄局亦於此後次第設立以商務漸繁均援照伊塔成案辦理凡俄商進出口貨皆須先期赴局駐冊領票勘驗符合然後放行其往來運道則擇南北衝隘設立卡倫查票驗貨周其稽察伊犁之尼堪塔城之葦塘子爲北路孔道烏什之伊布拉引與俄境喀喇湖相通爲東路孔道喀什噶爾之明瑞霍爾罕爲南路孔道溫宿北與俄鄰南與英接更設三卡倫嚴防繞越北卡設於可力峽以查通伊犁商路西卡設於唐雅阿奇以查通烏什商路

南卡設於奇蘭台以查通喀什商路雖按約暫不納稅無事稽征然以任保護司稽察嚴僞冒之罰杜繞漏之弊胥於是繫焉是年英使以喀什噶爾向有英商貿易雖商務蕭索不遠俄遠甚惟英人往來遊歷者率以其地爲理裝停頓之所於是請於我政府派員駐紮名曰駐喀游歷官辦理中英交涉暨商務遊歷事宜塔城參贊大臣富勒銘額於是年續辦第四次司牙孜共結案二千六百餘起

又案領事之利賴商民者至纖至悉各國恒重之故俄人在我新省坐賈不滿一千卽合之負販傭工去來無定者亦不過數千人而俄人已設四領事并衛隊兵弁尤於各城添設商董鄉約多方庇護卽如英人現在南疆其人數一千亦設有領事爲之保護而我邊界漢疆回哈諸民貿易於俄境及往俄屬傭工者據曾經來往俄屬之人留心調查於俄屬薩瑪爾塔什干浩罕斜米亞莫斯科喀喇湖托胡瑪克阿里木圖等處平均計算

總在四萬數千有奇近年以來猶不止此以不得領事之保衛故不能享同等之利益忝彼官吏苛虐無所控訴查華商出境必先報明人數貨物及往還日期由中俄局填寫執照轉送俄領事署發給路引黏連執照之上然後准令出境如商人貨物滯銷期限屆滿之時彼國官吏必多方需索甚至將商人貨物封存驅逐回國若遇挾帶麻煙被俄關吏查覺除貨物悉充公外尙加十倍之罰欸亦有實未違禁販煙而俄官詐索無端受誣其苛虐有如此者以故甘心竄易俄籍求庇外人者實繁有徒案咸豐八年北京續約第八條載有中國若欲在俄羅斯京城或別處設立領事亦聽中國之便等語我若據約與商固甚名正而言順或仿海參威成例設立領事或商務委員於以上所指各處庶我邊鄙小氓得免彼族之蹂躪而不生外嚮之心或亦保商固圉之一道歟茲並論及於此

光緒二十三年塔城俄領事柏勒滿以商旅輻輳圍地不敷請於

舊圍北偏山梁高廠之處擴充新地

案查塔城同知桂榮以北山形勝漢城倚以屏蔽得之則居高臨下俯瞰城中瞭如指掌故堅拒之不如俄領事之請別給以楚呼楚河東岸地而建劉將軍祠於山梁上以杜後患是年有俄商穆拉薩維夫私運晉茶於我新省沿途灑賣經我卡員查獲卽擬罰辦而俄領事極力袒庇謂爲初次誤犯非有心違章從寬免其議罰伊犁將軍長庚於是年續辦第二次司牙孜共結案二千餘起

又案中俄商務交涉最紛糾者莫如茶稅一端先是俄商在天津張家口販買茶觔由恰克圖轉運回國行至中俄交界之巴克圖卡倫託言假道復從塔城伊犁等處繞出哈普塔蓋博羅塔拉各卡倫前赴俄屬薩瑪勒地方售賣然自入伊犁塔境內往往違章飛灑私售攘我華商之利此次俄商穆薩拉維夫私運晉茶一案當事未加處罰於是效尤者接踵勢興當事之初

起我交涉官吏未嘗不據約詰爭卒之耽延日久遷就了結者十居八九因是習爲故常莫知憚懾

光緒二十四年俄商馬堂賜福請於我新省租地採金巡撫饒應祺恐利權外溢與省城總領事吳本司會商夥辦成本由中俄公認僱用俄國鑛師酌定合約十九條奏交總理衙門核定

案查新省派委知府桂榮充總辦金礦局事務並派員會同俄國鑛師狄多福踏勘得塔屬哈圖山之札工新興工及濟爾噶朗等處金苗較旺卽就札工及新興工之朗札爾特各處設廠安機先行開辦

光緒二十五年巡撫饒應祺以省城俄總領事吳思本辦理交涉有年講信修睦奏請

賞賜二等第三寶星佩帶奉

旨俞允

案查此項寶星佩帶新省向無工匠製造由總署代製並具執

照交由新疆巡撫轉給祇領

光緒二十六年塔城參贊大臣春滿續辦第五次司牙孜共結案五千三百餘起

光緒二十七年塔城參贊大臣春滿奏請

賞賜塔城俄領事柏勒滿二等第三寶星均如前例

案查是年屆第二次換約之期時值庚子之亂未遑議及

光緒二十八年俄商墨斯克溫以塔屬喀圖山札工新興工等處金鑛毫無起色決議停辦

案查該處金鑛自光緒二十四年中俄夥辦以來更請鑛師遍搜鑛質共開二千餘硎深至二百餘丈及數十丈不等不惟無正苗且不見鑛虛耗資本毫無效驗且於光緒二十六年冬間因札工鑛硎炸藥失事轟斃鑛夫一名傷五名至是接辦金鑛局委員知縣傅澤霖會商俄商稟請於是年九月停辦由中國找給俄商湘平銀一萬八千餘兩計中國實虧銀八萬有奇會

算清晰憑省城總領事科洛特科福定約析夥奏咨存案是年
巡撫饒應祺奏請

賞賜喀什噶爾俄領事撤特羅福斯克二等第三寶星伊犁將
軍長庚亦於是年奏請

賞賜俄員潘特索福二等第三寶星均如前例

該案塔爾金福先是該處居民
用土用開採其礦坑已取去

治歲放此大山俄合辦於凡工新開工等處
開挖幾處並無所得至前日之案以屬名也

光緒二十九年巡撫潘效蘇咨商外務部俄商出進口貨已增至
二百餘萬不得謂非暢旺現在籌議加稅免釐有沿海沿邊添設
洋關之文新疆係陸路通商地方應否照章辦理

案查外務部覆稱新疆爲沿邊省分照章應設常關惟見與美
國開議商約又有裁撤洋徵關收落地稅之議此時尙難定局
祇可循舊辦理俄人商務日旺免稅專條自應援約廢棄當俟
中俄開議商約時由兩國商約大臣會同商辦然遷延至今尙
無端緒是年潘效蘇以喀什噶爾自光緒七年改定條約後中

俄積案纍纍擬仿照伊塔成案奏調伊犁索倫營領隊大臣志銳會同俄官潘特索福齊集奇木霍爾罕地方舉行第一次司牙孜共結案一千六百九十八起惟烏什一隅因人證未齊不克舉行伊犁將軍長庚亦於是年續辦第三次司牙孜共結案一千七百餘起接任將軍馬亮復奏請

賞賜伊犁俄領事斐多羅福二等第三寶星佩帶總商約俄回游生春商約俄回馬進財等五等寶星均如前例

光緒三十年瑞典國男女教士七人於喀什噶爾城北關設立耶穌教堂一所奉教者共二十餘人

案查新疆教堂之設實始於光緒十三年法國神甫石天基教士梁明德於伊犁甯遠城外東梁上設立天主堂一所實爲外人入新疆傳教之始然以宗教者不同奉教者皆流寓漢人從無纏回厠足其間也是年塔城參贊大臣春滿奏請
賞賜塔城俄領事索格福二等第三寶星均如前例

又案泰西恒言曰信仰自由觀於中國之民則宗教自由之風著之久矣漢唐以來漬漸於黃老浸淫於佛氏又歧趨而爲陰陽巫覡之屬若巨瀆然千流萬派無所不入亦無所不受至今日而景教風行如火益烈雖巖陬下邑莫不有禮拜之堂福音之院嗚呼何其盛也獨新疆則不然攷新疆古代崇奉佛教隋唐之時猶號佛國迨天方教徒由大食波斯以流行於西域繇是天山南北自僑居之漢人及奉喇嘛教之蒙古人外其地若準若纏若哈薩克若布魯特諸部種族異派服物異宜無人不崇信摩罕默德爲至尊無上之教主其信之至篤其護持之亦甚堅深閉固拒恪守宗風苟有畔者卽爲罪人其譴罰亦至嚴至酷俄人知其然也故治所屬地因其俗不易其教英法諸教士知然也雖遊歷所至亦不以宣講教宗爲事去之若浼而惟恐或撓其鋒蓋耶回兩教自十字軍興教中黨徒各樹一幟積毀深仇本如水火冰炭之不相合其所由來者舊矣故新疆全

省教堂寥寥無幾間或於省城及漢民稠密之處各有一所其奉教者均係流寓漢人並無纏回立身其間於以見漢民之善受誠不若回民之善守其堅卓不渝之風亦有足多者竊有慨於內地教禍之劇民教之爭而微論之於此

光緒三十二年英人牧師一人於迪化省城內設立耶穌教堂一所奉教者共十餘人

案查是年伊犁將軍馬亮奏請

賞賜伊犁俄領事斐多羅福二等第二寶星均如前例

光緒三十二年俄商私運晉茶違章由塔城倒灌入境沿途灑賣同知劉文龍抗爭之議以茶箱三分之一充公罰結

案查塔城領事以此次罰辦之故始願與通商局籌議訂立章程八條其章程大指凡俄商運茶假道塔城出境者先交押款銀兩不准飛灑倒灌俟茶箱運出俄境之阿里瑪圖後電知中國將押款退還違者全數扣罰查光緒七年中俄改約以來自

有俄貨暫不納稅之語俄商往往包庇華商貨稅串通勾引藉端影射種種弊竇無所不爲巡撫聯魁有鑒於此亦於同時飭由省城通商總局與俄總領事訂定俄商領票運貨專章六條先後頒行然以邊地遼闊稽察難周相循日久輒復視爲具文包庇影射之風未嘗爲之稍戢是年有法人和爽遊歷來新冒稱土耳其國皇命考查回教傳布經典向纏回勒取經費又向教堂阿訇索賄不遂則妄稱土皇命斥革之沿途州縣需索供張餽賄搔動一時纏民被騙者尤多并有强姦婦女等事並有希臘人高克立者經過地方詐稱行李被竊向州縣索賠列欸甚鉅行至哈密以向巴里坤總兵索賄不遂用手槍恐嚇幾釀釁端當經電致俄法兩國領事均註銷遊歷執照和爽押送上海高克立押赴塔城交領事驅逐回國此則因遊歷而釀成交涉者也

又案俄人之懋遷於新疆者斯拉夫族人卽西方俄羅斯人僅

百居二三餘皆東俄羅斯部屬也若波蘭人高加索人西悉畢爾人安集延人浩罕人凡屬俄邊纏哈部落皆謂之俄商俗呼爲俄國纏頭與我邊境纏回哈部宗教相同卽語言衣服飲食及一切習慣亦無稍差別故凡包庇華稅之事百弊叢生莫能杜遏致我新疆稅物受絕大之影響而我邊境諸民亦利俄人之免稅冒佔俄籍者歲以千計俄亦利其附己陰庇覆之自是邊圉之氓始蠢蠢焉生外嚮之心嚚然不靖矣此則關係於我稅務猶其淺焉者也

新疆圖志

卷四

十四

新疆圖志卷五十七

交涉五

光緒三十三年俄人還我伊犁戶民共計一千餘戶盡除俄國國籍經外務部奏准接收

案查光緒七年中俄改訂條約第三條載伊犁居民或願居原處爲中國民或願還居俄國入俄國籍者均聽其便自交收伊犁之日始予一年期限遷居等語交收之時俄國趁人心未定脅遷而去者十之六七迨後大局漸安遷去之民不忘故土仍歸我國俄人執爲逃戶中國不能不爲查送而該民等戀其田業旋送旋來於是俄日有索逃之文中日有查交之累因商知俄國政府准其留居中國種地作爲留戶其無田業頂種中民之地者作爲頂戶共計一千餘戶嗣因民則中民籍仍俄籍而交涉愈多矣至是俄國始決計將此項戶民盡除俄籍交還中國接收惟俄國於原交此項戶民清冊係按脅遷有名者查造

其哈薩克戶口俱全若回民與塔蘭奇卽纏民兩項則祇列丁口並無戶數如其中但祇一人有名而其人在中種地有年已成家室子孫繁衍一家有多至十餘丁口者其人願按照戶籍概歸中屬而俄國則以妻室子孫交還冊內無名仍認爲俄屬以故一家之中判分中俄兩籍遇有不論是非曲直先以屬中屬俄斷斷爭較而地方官每爲所苦是年署伊犁將軍廣福續辦第四次司牙孜共結案二千一百五十餘起同時塔城參贊大臣安成奏請

賞賜塔城俄副領事官多爾則悅福駐齋桑烏雅仔官瑪列洛烏斯克瑪荔普勝烏雅仔官三德滿均三等第二寶星俄鐵里斯阿依爾克哈薩頭目哈達爾毛拉及瑪那黑哈薩頭目阿斯克均四等寶星均如前例法國神甫雷濟華及女教士一人於是年在迪化省城內設立天主教堂一所奉教者共八十餘人又案新疆中俄民籍混雜已臻極點要以伊犁爲尤甚伊犁自

兵亂不守俄人藉詞代收官商市肆均爲所佔散漫而居至
收時因有田地照舊管業之約於是城廂內外鄉村莊地均與
我漢回疆民錯雜而居住往來欺壓平民爭佔水利抗納糧稅違
約滋事種種弊竇迭出叢生而地方官每以事成交涉多所遷
就故凡刁狡之民得藉此肆其奸僞趨避自由屬中屬俄莫能
究詰而我蚩蚩邊氓亦頗生外嚮之心矣乃相沿成習愈廣愈
多外人相率效尤以至南北兩路各城凡俄人駐足之處均不
免有對於此種情形卽英人於我南疆一帶亦多有此等辦法
特不如俄人於伊犁之甚耳且查新省通商各處照約本有給
與空曠之地一塊以便牧放牲畜等語但當時並未指有一定
之區卽原約亦只有喀伊塔三處之語乃俄民任意越界游牧
漫無限制曩者新省中俄邊界未定以前常有俄民越界游牧
故劃界之時俄人卽藉詞謂凡俄民游牧之地盡在俄界以內
幾費磋商而猶不能挽回蹙地不少查近來俄民越界游牧每

於深山僻壤別開馳境深入腹地來去自由而我邊地守界伯克多與此輩串通私收規費明知故縱常因此釀成別故雖屢經查明驅逐仍復絡繹而來此不僅於我民人游牧生計大有妨碍特恐日後釀成國際交涉流弊滋多覆轍前車可爲殷鑒卽以國防關係而論亦應早爲慮及茲並論及之俾守斯土者於疆理之責加之意焉可也

光緒三十四年俄國土爾奇斯坦總督以新疆中俄沿邊界務所用木椿易於朽壞請改用石牌以經久遠其經費由中俄兩國分認

案查新疆中俄界牌伊犁共設三十三處塔城共設二十一處阿克蘇共設五處指山爲界四處喀什共設十九處指山爲界六處按照原訂界約每年由中俄兩國派員會勘一次後以邊疆多事改爲三年會勘一次歷屆按約會勘僅自伊犁塔城阿克蘇至喀屬蘇約克山與俄七河省交界各處止其自蘇約克

以西與俄費爾干省交界共有界牌九處指山爲界六處每屆照約催商會勘俄屢以界務未清藉詞延宕致此段界址自光緒十四年後已五屆未能清釐先是光緒二十三年喀什道黃光達派員專勘喀費交界二牌竟被俄兵阻擋僅行至吐子阿蘇而止嗣後遂更無問津者其蘇約克以西各界牌無從探詢幾同虛設矣至是俄國忽有改換石牌之請巡撫聯魁以其議發之自彼正可藉此將喀費一段界址悉數清釐因念該段地界多年既未清查道路傳聞情形互異必先自調查明確屆時方有把握惟邊地犬牙相錯派員查勘有必需假道俄境者由喀什道袁鴻祐以修通志測繪山水爲名遴員攜帶圖卷逐細密查行至依爾克什他木以南被俄卡力阻前進其所勘各界牌名稱次第道路遠近與原日勘界大臣沙克都林札布所訂界約稍有歧異有原載指山爲界而究有界牌遺跡可驗者聯魁因此段界址支離請出改換石牌一事尤不可緩屢次咨請

外務部磋商駐京俄使而俄國故意遷延至今尙未辦妥是年有俄屬老加乙商人販運米心大茶假道塔城查照票照計多四十三駝沿途違章灑賣同知袁運鴻本擬按約處罰重以俄領事之請從寬押送出境了結同時有俄商回民咸姓又名綬有章一行五人夾帶煙土由烏什依不拉引偷運入卡經卡員查獲該回民卽敢肆行兇鬧反將煙土抽匿圖訛並有俄回馬四夾帶煙土於溫宿各處潛銷亦經派員查獲均送喀什俄領事按約訊辦英國駐喀游歷官兼辦交涉事宜馬繼業於是年七月二十九日改爲領事官從英廷之請也塔城參贊札拉豐阿復於本年續辦第六次司牙孜共結案七千七百餘起又案禁煙一事爲俄國絕大問題各國篤念邦交均樂贊成美舉且兩次開禁煙大會於此事極爲注目新省辦理禁煙頗有端緒前據各地方官報告俄屬之薩瑪爾哈喇湖及沿邊一帶每年所種罌粟不少復經甯遠縣派員過界調查旅行數日夜

凡足跡所經之處無非栽種罌粟之地煙苗遍野幾於無處無之巡撫聯魁咨請外務部磋商俄使並照會伊犁俄領事官轉達七河巡撫商請查禁俄國極願敦固睦誼會同切實稽查凡所獲偷種罌粟及私運煙土之犯頗能照約嚴辦此風得以稍戢故新省禁煙得成效昭著者未始非俄國相助之故歟

宣統元年莎車府知府汪守步端以英人於南疆一帶常因放賬盤剝之事釀成交涉地方官不勝其擾會商英領事官擬訂取締章程八條以資遵守

案查英人通我新疆本爲偵俄計商務非所注意其在南疆一帶帶有經營商務者則英屬之北印土人及阿富汗人居多貨物皆運自印度其倖利之法本專主於買貨恒以賒賬放債重息盤剝爲事纏民貧不能舉則控諸官府比限勒追敲呼之聲騰於道路俄人以前尙無此氣習近亦間有效尤者交涉之事日益滋繁汪步端有見於此會商英領事官擬訂章程八條大致

由中英各設商總維持商務凡中英商民或以貨物交易或以銀錢通融須經各商總切實稽查登記按照繙民習慣由中英商總蓋印爲憑訂期追還如有糾葛稟官究辦其在意濫放商總扶同朦蔽者查明酌予懲罰嗣後英民漸就範圍其改賬盤剝之風亦爲之稍斂是年俄國新頒法例凡中國貨物運赴俄境者均應完稅其由陸路運赴俄境無稅貨物僅有牲畜油以及未熟未上色之各種皮毛其糧食所造之燒酒黃酒均嚴禁入俄國境內凡中商運赴俄國貨物均被阻擋公愬電達外務部與駐京俄使交涉並照請俄領事官查明辦理隨經俄國議院議決此項貨稅暫行停辦並將所阻中商貨物一律放行省城俄總領事官科饒特科福請由迪化至塔城設立快車運貨及一切用件鐵道策需以運貨行車關係路政按之萬國公法係國家自有主權卽中俄條約亦未載有設車運貨之條嚴詞拒絕同時喀什道袁鴻祐因中俄積案甚多且以光緒二十

九年等一次舉辦司牙孜其烏什一處中俄民人訴訟案件因人證未齊尙未清結深恐愈積愈多更難措手詳請續辦第二次司牙孜共結案二千八百八十七起

又案自光緒八年塔城參贊大臣錫綸創辦司牙孜以來各處仿照辦理共舉行十二次清結積案二萬九千三百五十餘起此後中俄交涉之案除一二西方俄商遇有爭訟事故仍由領事官會同地方官隨時辦理外其餘俄屬商民一切案件統歸入司牙孜大起辦結猶幸俄官自知東方領土之民冥頑驕机非用特別法律不能日久相安故能顧念邦交和衷商辦而無掣肘之虞絲是邊境晏然者垂二十餘年而俄領事裁判之權亦稍稍替云

宣統二年外務部以中俄換約之期已將三次屆滿兩國交通情形今昔已殊自應預先籌備以便臨時擬議咨由新省派員專任其事舉凡有約載各節利弊若何並就地方情勢詳細調查送部

研究東三省亦以此事關係重要纂擬調查綱目設爲問題呈請外務部咨發到新逐款調查答覆以爲改擬之預備

案查鎮廸道榮需以此次改訂條約爲中俄大局所關且以俄人近來於我新省商務竭力經營不遺餘力已臻全盛亟應酌定稅則卽沿邊界務歷久未勘以及各項交涉事宜諸多流弊詳請於省城中俄局附設外交研究事務所遴選諳習約章人員分任調查編輯各事共分四大類曰界務商務稅務雜務並按以新省現在情勢及關約載利弊切實考察事經數月之久始克彙集成書甚爲詳盡早送外務部核辦隨由外務部奏派部員二人來新實地調查互相印證是年伊犁將軍長庚爲整頓茶務振興商業奏定伊塔茶務有限公司改歸商辦而駐京俄使以此項公司專章違背條約並妨俄商生計詰問於我外部往返辯駁經外務部聲明凡俄商購運中國茶葉回國自爲條約所准惟不得沿途灑賣至由俄國運來之茶行銷新省如

確係俄境所產並非以華茶倒灌入境者亦難禁阻俄使以爲合宜和平解決同時俄國葦塘子烏雅孜官按照俄國例章令在該處貿易中國縹商按等交納執照稅該縹商等公稟於我邊界地方官向俄官交涉而俄國烏雅孜官竟將中商鋪面封閉當卽呈請外務部磋商駐京俄使隨將收稅一節作廢並令中商開市照常貿易但查近年以來俄國於沿邊薩瑪爾阿爾木圖地方征收華商執照稅歷來已久我外務部弗能與爭也本年有英國泰晤士報館訪員莫理循來新游歷考察商務交通及學堂以增智識外務部以該訪員學問素優且能聯絡中英交誼飭令以禮接待查西人嗜奇攬勝若出性生不憚萬里裹糧探討名物以擴其見聞助其學識不盡關乎國際交涉者往往有之茲將近來來新著名游歷各家抉擇紀之以備應付外交之一參考當時來游歷者皆萃集喀什噶爾城中若法人勃耶研究物產者也英人惹耳治調查礦質者也瑞典人瑞林梅

丁考察地格者也法人提托爾特蘭勒那爾游覽西藏者也英人康勃蘭色爾及法人都羅葉則欲窮西崑崙之勝而遐觀幽討者也其他如法國博士柏希和著有西域游記考證地理極爲詳明日本人著有伊犁旅行記英格致家洛廓特耶穌教士亨花里司克及俄人布魯司滑爾斯基依鄂諾弗爾皆以長於游歷著名於時不可勝記而輪蹄不絕於塗來者日衆其間無業之徒因游歷釀成交涉者亦恒有之也

又按此次改訂條約其爲新省所最著意者除界務外莫過於商務一端茲就最近調查情形並記於此以備考證查俄人因近年商務暢旺於南北兩路設有總滙之區其北路以斜米爲總滙南路以費爾干爲總滙凡出口土貨由漢口取道嘉峪關運道回國者磚茶爲大宗次大黃次川椒白蠟之屬在新疆各城就近採運者牲畜皮毛爲大宗次棉花葡萄次狐獺皮次氈絨製造品進口俄貨則以布疋爲大宗次呢絨綢緞次鐵器銅

器次磁器次白糖次熟皮次火柴次鐘表玻璃等製造品此其
大畧也當光緒十三四年間俄人運我土貨出口多於進口若
十與二之比較蓋其時俄新得浩罕諸回部地闢民稠需物加
多且東方鐵道未通運自中國較運諸其國價廉稅輕葉菸大
黃尤回哈人所嗜好故磚茶出口歲值數十萬俄固便之我亦
與有利焉自東方鐵道成工俄又展築支路達我伊喀邊境輪
軌輻輳商旅疏通而道勝銀行支店亦次第分設於伊塔喀城
於是盧布美帖盈溢闔市民交易非俄票不行中國錢幣尋
廢不用彼貴如珠玉而我賤如糞土易中之權漸轉於移外人
之手據俄東方商會報告一千八百九十八年中曆光緒二十
四年烏魯木齊商店僅三四家俄商二百餘人至一千九百七
年中曆光緒三十三年調查省城商店增至三十餘家俄商多
至八百餘人年終存貨尙值三十萬盧布進步之速有如此者
又據俄商會之言擬請於俄政府減輕出口稅則暨車載運稅

並推廣郵電銀行添修鐵路雙軌以輕商本而利轉輸將以新疆爲彼商戰之場所謂樂觀時變若猛獸驚鳥之發者俄其有焉雖然俄之所以如是經營者豈僅在商務而已哉是在有守土之責者加意防維若猶孳孳爭較於征稅一層則舍本求末之譏誠不免也

新疆圖志卷五十八

交涉六

宣統三年正月駐京俄使藉詞中國辦理交涉事宜不遵光緒七年條約且有彼此將條約講解錯誤之處請於我外務部要求六端經外務部往返辯論和平商結

案查俄使要求六端大抵欲擴張條約之利權轉責我之不守條約其所要求者一光緒七年條約以及他項條約並不限制俄國政府獨行於交界百里限外訂定輸入輸出貨物之稅則其兩國邊界百里內曾行商定准兩國商民任便運入各本國土貨均不納稅二俄國人民住居中國各處應行享用治外之法權專屬俄國官員管轄因所有中俄民人訴訟案件應經俄華審判員會同辦理三蒙古以及關外之天山南北兩路各處俄商民均行享用任便往來居住買賣各國貨物不得直接或間接征稅以及壟斷暨他項禁令限制四俄國政府除設有各

領事官不計外尙有派委領事官前往科布多哈密及古城之權雖應與中國先行商惟現因以上各處俄商與華商所出涉訟各案足徵本國政府實不能耽延實行此項之權五俄國各領事官於其管轄一帶應經中國地方官按照其官位相待該地方官不得推諉會同審判俄華訴訟各案件六俄國政府於蒙古及天山南北兩路卽係伊犁塔城庫倫烏里雅蘇台喀什噶爾烏魯木齊科布多古城向有設立領事之權且於該各處及張家口均准俄國商民置買地段建造房屋本國政府茲因預先聲明並謂須見中國政府六條滿意之復文始能商議稅則以及俄商貿易茶葉之專章或商改光緒七年條約某某數條若中國政府不肯允認以上所列六端或一端內應承辦之事本國政府視爲中國政府不願與俄國照約敦固睦誼語多挾制強權相干並於沿邊增兵運械爲恫嚇計外務部以事機綦迫幾將決裂審時度勢不得不曲徇其請根據條約一再

辯論磋商和平了結而俄使最後之照會謂奉本國政府訓條所商各節與約相符仍願嗣續敦固俄中素有之睦誼云云是年伊犁將軍廣福奏請

賞賜伊犁俄領事斐多羅福二等第一寶星副領事迪牙潤福三等第二寶星醫領副參領阿清那布耶福俄屬薩瑪爾烏雅孜官額斯米爾諾福均三等第三寶星又巡撫袁大化奏請

賞賜省城俄總領事科饒特科福二等第三寶星副領事羅索鐸禮三等第一寶星醫官斯非特洛闊福三等第三寶星均如前例

又按新省近年以來中俄交涉之事日益加劇若英國於我新省僅在喀什一隅且越國鄙遠非所注意以視俄之趨利便赴功速者本不同日而共語其他如法國土耳其瑞典各國不過傳教數人零星散布其交涉之事亦非如俄之急且迫者所有外國領事館員暨附屬營業並居留商民戶口數目及各屬教

堂人數凡有地方之責者亦不可不留意焉茲就最近調查實數列表詳識以資觀覽又商務一事亦以俄國爲全盛查俄商出入口貨值以未嘗稽征之故爲稅關貿易冊所不載司權政者無由考其盈虛校其消長甚非所以覘外情重商政也茲取省城商務總局調查光緒三十一年全疆俄商貿易總額分別列表以爲比較其阿爾泰山東道屬於蒙古非新疆轄境故不具錄英商商務微細無大宗貨物亦不具錄茲將俄領事館員暨居留商民各屬教士教民俄商出入口貨屬於鎮迪伊塔喀什噶爾阿克蘇四道者依次詳具於後

俄領事設置館員

鎮迪道屬

迪化府

俄仍用舊本署

俄總領事官一員

光緒二十一年五月俄國駐省城南關外知爲總領事

俄幫辦領事官一員

該幫辦領事官即副領事

俄醫官一員

俄獸醫一員

俄護衛馬隊武官一員
駐紮庫倫馬隊武官
頭目兵三十六名

伊塔道屬

伊犁府
附屬

俄領事官一員
駐紮庫倫領事官於光緒七年三月
設駐於金頂寺一名謝仁德

俄幫辦領事官一員

俄翻譯官一員

俄幫辦翻譯官一員

俄醫官一員

俄護衛馬隊武官一員
駐紮庫倫馬隊武官領隊兵七十
五名內撥十五名分駐該定城

塔城廳
附屬塔城

俄領事官一員
駐紮庫倫領事官於光緒七年二月設
駐於該廳城外之兩買馬地

俄幫辦領事官一員

俄翻譯官一員

俄書記官一員

俄醫官一員

俄護衛馬隊武官一員

喀什道屬

疏附縣

俄領事官一員

俄幫辦領事官一員

俄翻譯官一員

俄醫官一員

俄護衛馬隊武官一員

蒲犁廳

俄武官一員

俄稅務官一員

疏附縣

英領事官一員

該領事官於光緒二十一年設置原名莊在疏附官軍城元年始作爲領事官駐紮附城內

英醫官一員

該醫官係英人所充

英書記生一員

該書記生現以無人暫充司文辦事

蒲犁廳

英照料遊歷委員一員

該委員係由喀什噶爾分駐該廳

領事館附屬營業

鎮迪道屬

迪化府

郵政局一所

該局附設於領事館內由領事官兼辦

伊塔道屬

伊犁府

舊城

郵政兼電報局一所

道勝銀行一所

塔城廳

郵政局一所

電報局一所

道勝銀行一所

學堂一所

該學堂分設漢文、俄文、算術、各一、人、學生、無定額

喀什道屬

疏附縣

郵政兼電報局一所

道勝銀行一所

外國居留商民戶口

鎮迪道屬

迪化府

迪化縣

俄國十九戶

該縣十九戶設廳約一、人、男、百、九、十、八、女、九、十

俄國散商三百八十四人

據案此項商人並未實具籍定冊故不以戶計

英國一戶

據案此一百乃屬教會領一牧師

法國一戶

據案此一百乃天主教堂領教士夫婦二人

阜康縣

俄國六戶

據案此六百皆哈爾濱商人屬俄國籍者調查領男丁六女三

孚遠縣

俄國三戶

據案此三戶均安撫延人屬俄國籍者往年調查領男丁八女十

奇台縣

俄國三十戶

據案此三十戶均安撫延人屬俄國籍者往年調查領有男六十九女七十四設總約一人

綏來縣

法國一戶

據案此一百乃天主教堂領教士一人

吐魯番廳

俄國十九戶

據案此十九戶均安撫延人屬俄國籍者往年調查領男四十四女三十九設總約一人

英國五戶

據案此五戶均阿爾富汗人即愛烏罕亦即英罕屬英籍者往年調查領男五人

鄯善縣

土耳其一戶

該案此一戶僑男一人乃辦屋居留者

伊塔道屬

惠遠城

俄國五十一戶

該案此五十一戶均俄人男女丁口數目未明設縣約一人

甯遠城

俄國一千一百六十三戶

該案此一千一百六十三戶均俄人住年調會僑男二千零六十二女一千二百六十三

法國一戶

該案此一戶乃天主教堂有教士二人

土耳其四十二戶

該案此四十二戶俱土耳其人遊牧居留者往年調查僑男六十一女二十八

綏定城

俄國四十六戶

該案此四十六戶俱俄人住年調查僑男九十四女三十二設縣約一人

霍爾果斯城

俄國四十五戶

該案此四十五戶均俄人男女丁口未詳調查清原設縣約一人

廣仁城

塔勒奇城

俄國一百六十四戶

據此二城共一百六十四戶均俄人男女
口未經調查清晰亦未聞其設置總約

塔城廳

俄國二百九十一戶

據此二百九十一戶安撫延緩道委及俄邊商賈哈爾克民人均有之均歸屬
俄國者往來調查僅有男丁二千四百八十七女一千三百五十六設總約一人

阿克蘇道屬

溫宿府

溫宿縣

俄國五十六戶

據此五十六戶均安撫延緩人屬俄國者往
來調查僅有男九十六女一十六設總約一人

英國十五戶

據此十五戶均印度人屬俄
國者往來調查有男丁二十六

柯坪分縣

俄國一戶

據此一戶係安撫延緩人屬
俄國者往來調查有男丁三

英國一戶

據此一戶係印度人屬英
國者往來調查有男丁二

焉耆府城

俄國二戶

據此二戶係安撫延緩人屬
俄國者往來調查有男丁四

姑羌縣

俄國三戶

調查此三戶俄安集區人屬俄
籍者住查調查俄男七女三

輪台縣

俄國一戶

調查此一戶俄安集區人屬俄
籍者住查調查俄男二女一

英國一戶

調查此一戶保印度人屬英
籍者住查調查俄男二女一

庫車州

俄國三十三戶

調查此三十三戶俄安集區人屬俄籍者住
年調查有男四十一女四十七設廠約一人

英國十一戶

調查此十一戶俄其人住年調查
有男二十一女二十設廠約一人

沙雅縣

俄國七戶

調查此七戶俄安集區人屬俄
籍者住年調查有男十女三

烏什廳

俄國四十戶

調查此四十戶俄安集區人屬俄籍者住年調查
有男一百二十七女一百零九設廠約一人

喀什道屬

疏勒府城

俄國二戶

該處此二戶內安撫延人屬
俄國者住年調查有男丁五

英國十四戶

該處此十四戶係印度阿富汗人
屬英屬者住年調查有男三十五

疏附縣

俄國一百十二戶

該處此一百十二戶係安撫延人屬俄國者
住年調查有男百九十五女百零七該縣約一人

英國二十四戶

該處此二十四戶係印度阿富汗人屬英
屬者住年調查有男四十四女二十九

瑞典國一戶

該處此一戶乃教堂住年調查
有男五女四中有學生二

伽師縣

俄國六戶

該處此六戶係安撫延人屬
俄國者住年調查有男丁八

英國十二戶

該處此十二戶係印度人屬英
屬者住年調查有男丁十六

莎車府城

俄國二百八十戶

該處此二百八十戶係安撫延人屬俄國者住
年調查有男五百十二女二百二十該縣約一人

英國一千一百四戶

該處此一千一百四戶係克什米爾印度阿富汗人屬英屬者住
年調查有男二千二十八女六百八十三該縣約一人商舖一人

瑞典國二戶

該處此二戶係瑞典國人住年調查
有男一係牧士女一係醫生

巴楚州

俄國十戶

該案此十戶係安樂人屬俄籍者住
年調查有男十七女十三共計約一人

英國二十一戶

該案此二十一戶係海都斯均人屬俄籍者住
年調查有男二十六女二十五共計約一人

葉城縣

俄國四十六戶

該案此四十六戶係安樂塔洛罕人屬俄籍者
住年調查有男五十五女二十三共計約一人

英國四十戶

該案此四十戶係印度阿富汗人屬英籍者
住年調查有男三十二女二十共計約一人

英吉沙爾廳

俄國二十九戶

該案此二十九戶係安樂塔人屬俄籍者住
年調查有男四十五女三十二共計約一人

英國二十一戶

該案此二十一戶係印度人屬英籍者住
年調查有男二十一女十一共計約一人

和闐州

俄國十二戶

該案此十二戶係安樂塔人屬俄籍
者住年調查有男二十五女十四

英國十九戶

該案此十九戶係印度人屬英籍者
住年調查有男二十八女二十二

于闐縣

俄國二十六戶

該案此二十六戶係安樂塔人屬俄
籍者住年調查有男三十八女三十

英國六戶

該案此六戶係印度人屬英
籍者住年調查有男丁八

各屬教堂教士教民人數

鎮迪道屬

迪化府省城

法國教堂一所

該教堂於光緒三十三年設立在省城南門外道中法蘭西人一名雷濟華天主教又女教士一人華教男女八十三人

英國福音堂一所

該教堂於光緒三十一年設立在省城北大英人一名耶穌教士一人華教男女十六人

綏來縣

法國教堂一所

該教堂於光緒三十二年設立在城東南國法蘭西人一名天主教教士男女三十餘人

伊塔道屬

甯遠城

法國教堂一所

該教堂於光緒十三年設立在該城城外東城上有法蘭西人一名天主教教士男女八十餘人

喀什道屬

喀什噶爾城

瑞典教堂一所

該教堂於光緒三十年設立在該城北門外有教士三名女教士四人均華教士男女二十餘人

俄商進出口貨物價值

光緒三十一年

鎮迪道屬

入口貨物四十二萬六千九百五十九兩

出口貨物四十六萬五千九百九十七兩五錢六分

伊塔道屬

入口貨物八十三萬四千九百三十九兩八錢

出口貨物五十一萬二千一百八十五兩

阿克蘇道屬

入口貨物三萬二千五百二十五兩二錢

出口貨物二萬六千九百零四兩

喀什道屬

入口貨物一百零七萬二千六百六十五兩

出口貨物八十八萬八千五百九十八兩

以上各道光緒三十一年調查入口貨物價值總數為二百三十六萬七千零八十九兩

出口貨物價值總數為一百八十九萬三千六百八十四兩五錢六分

光緒三十二年

鎮迪道屬

入口貨物七十萬零六千七百二十六兩零七分

出口貨物五十七萬六千零四十八兩八錢九分五釐

伊塔道屬

入口貨物一百萬零零三千七百四十五兩

出口貨物五十三萬五千二百十六兩

阿克蘇道屬

入口貨物四萬二千六百八十七兩

出口貨物三萬七千七百零一兩三錢

喀什道屬

入口貨物一百八十二萬八千二百八十兩

出口貨物一百七十三萬二千一百兩

續前總數爲二百八十八萬一千零六十六兩一錢九分五釐就以此二年出入總數核之則入口之貨多於出口之貨可知中國商務不難見其興之發達然以兩年相核則光緒三十二年較三十一一年入口物僅增出一百二十一萬四千三百

四十九兩七分出口餘積存銀兩九十八萬七千三百八十一兩六錢三分五釐則又為舊通之幾倍三十三年以
後出入餘積未經調查然以此二年總總之則新舊實量可擬與通量其細數於右以俟後承訪新舊得焉

新疆圖志卷五十九

山脈一天山

國朝戡定回疆聲教所通訖於蔥嶺蔥嶺爲歐亞東西之脊西洋之山脈自東往逾東逾高至蔥嶺而極中華之山脈自西來逾西逾高亦至蔥嶺而極故導山者必始蔥嶺蔥嶺者中國萬山之所自出也大唐西域記西河舊事諸書謂其山高大上多大葱故名蔥嶺或曰山崖蔥翠因以名焉唐書西域傳云蔥嶺俗名極疑山環喝盤陀國開元中置蔥嶺守捉卽其地也西國志云蔥嶺爲西域名山之脈其自

葱嶺今考漢書云西域南北有大山東則積石關以玉門關西則限以葱嶺夫玉門關在西北正東則與葱嶺對舉則葱嶺在正西可知也又云河圖一出葱嶺山一出子闐于闐在南山下其河北流與葱嶺河合東注蒲昌海夫曰南山則葱嶺之爲西山曰子闐河北流明學識河之東流而葱嶺之在西益可知也卽以水運證之水經注河源所發其源分爲二水今喀什噶爾東南河正發源西山泉分二水又南而西流其源序云其中道從高崑崙起崑崙起處極度崑崙又經精汗羅門海南海道從崑崙于闐朱俱波喝盤陀度蔥嶺又經諸國國道西與海會南北道俱從崑崙之合是亦崑崙山爲是嶺之一證也唐書西域傳云開元中置蔥嶺守捉之置當在崑崙二年七月二十九日自于闐入朱俱波喝盤陀崑崙界可五日行過八月入葱嶺陀界并西行六日登蔥嶺山嶺西行三日步涉崑崙三日不可登山自此以西山路峻險危峻千巖懸崖萬仞極天之阻實在於斯自發起嶺步多所高如此四日乃得至崑崙山正在山頂卽今之阿爾達格爾提提尓斯布魯特之嶺也初官兵追殺格爾斯阿越山頂望見河水西流者也卽引經據證曰是崑崙十二日嶺上有水曰龍池爲河源所出
水西流者也卽引經據證曰是崑崙十二日嶺上有水曰龍池爲河源所出
可至頂與宋書所記入提盤陀國界行程大略相合
水西流者也卽引經據證曰是崑崙十二日嶺上有水曰龍池爲河源所出

南子謂之疏圃之池釋典謂之阿耨達池西域記云自商彌國境

東北踰山七百餘里至波密羅川川東西千餘里南北百餘里狹

隘之處不踰十里據兩雪山間川中有大龍池東西三百餘里南

北五十餘里據大蔥嶺內當瞻部洲中其地最高池水澄清甘美

西派一大流與縛芻河合而西流達摩悉鐵帝國

在葱嶺南麓今之什克南都也

派一大流東北至疏勒國西界與徙多河合而東唐元奘還至于

闐大衆溺死卽經此池其所云阿那婆答多蓋阿耨達之轉音也

疏勒縣志云葱嶺南麓地踰山之巔萬千餘里其地最高五里外即見金五城也俱東北缺一口仍通以平頂石子沙磧厚約五十里徑之如繩圓結其間積水五里之中冰雪消融公臣履長一百五六十里寬七八十里

中有小山區區之略噴噴其水湧子也蓋屬西域之大龍池也其所謂阿耨達池也地中風烈極高無雲山上烟火光高離萬仞之遙厚爲衆水之天漢而四流無雜出之水此當謂流爲四大水者殊不知其水如有潮汐候無常期近地氣候阿耨

達池水皆爲泉及引經人跡罕到咸謂難施地廣元西域傳河有兩源一出蔥嶺山一出于

闐

按此曰此據南地言之其實河有三源也河出星宿二口一曰黑南河其河源經星宿布特爾河合爲黑南河一曰黑北河其河源經星宿布特爾河合爲黑北河水經注引涼土異物志云蔥嶺之水分流東西西

入大海東爲河源卽禹紀所謂昆侖據此則河源實出蔥嶺而蔥

嶺又名昆侖故山經爾雅皆謂河出昆侖其山包西南北三面而

空其東形如半規中爲虛地是曰昆侖之墟山海經不周之山也

浮南子稱不周之山爲天柱而七千七百餘里正也然距山星散證六也陸游曰鳥言天與水流行今自惡嶺以西水皆西流則鳥之所及故嶺以東其說又巨土之高也從北從一也地也人居已南故從北中邦之所在見會東南是則見會巨爲地之主名故說又以巨爲見會者同底斯山則在中國之西南而中國在其東北與說文中邦在見會已南不合矣陸七也見會衆山太麓故十洲記云見會有四角大山爲其支輔同底斯山乃其南嶺之大宗但可謂由北而南轉而爲南嶺斯登反由南底斯而轉爲東嶺何者山之所趨水亦使之如東山雖自後嶺轉北而西而西而爲東則其水皆應從山而北流何故後嶺之南於江之西江之龍川江之大金沙江皆由雲南經緬甸安南而入南海無一北流之水乎是知同底斯山轉而爲南嶺之主嶺而後嶺北轉則緬甸緬甸轉而爲東嶺斯分界兩嶺則包島斯處漸趨於緬甸連通與五印度分界故漢書西域三十六國傳在東嶺東者皆屬漢而西嶺以西無之我 朝發數所於亦以東嶺爲斷陳元代初年漢吞東嶺以西各屬分得番封奉貢足大標長不受控制蓋斷漢力不逮亦天地大氣之自爲界限陸九也元史郭寶玉傳入城山屯大雪山南谷中營堡二丈乃瞻山川神封見爲元時王大德德爲東嶺王劉都而後使記元刻石國邊想奉河土人言黃河源出南大山地多產玉疑爲見會是元人亦明知東嶺河源爲見會證十也東嶺神與見會即阿爾達山者始於康泰扶南傳及佛國傳當阿爾達山出四大水生四大海者見於長阿含經及唐僧元奘西域記而華嚴經載之曰香山頂有阿彌達池四面各流出一河東南斯陀河出金剛獅子口南而傾側河出衆象口西而傾側河出金牛口北而傾側河出琉璃馬口而阿彌達池所在則西藏記載之曰自南嶺國屹東北雪山七百餘里至波花川川東西千餘里南北百餘里深險之底不離十里據南嶺山間川中有大龍池東西三百餘里南北五十餘里據大里道內當經都洲中其地最高也其水澄清甘美池東一水東流東北至藏輪國西界與多河合而東西北一大流與多河合而西至注摩竭悉國此乃東嶺最上之大龍池爲阿彌達池即唐元奘取經途所經之地亦即僧基生至東嶺頂聖陀國見存水西流之地亦即唐書西域傳所指熱海之地亦即元太祖軍至雪山結神封祭之地亦即乾隆中官兵進藏集占未至拔達克山沿岸聖殿之地亦即道光初官兵追張格爾至阿勒山頂望穿水西流之地知阿彌達池則知河源則知見會據大地之中當萬國孔道且通巨浸子萬切時雖分注四大海宇內斷無其匹番語曰哈喇池曰綠池以水色青碧得名黑龍池之兩阿彌達與哈喇喇爾華梵語切音同非若同底斯之音義略隔且西番語謂爲阿彌達池蓋爲斯台番覺音切也山無隔山水俱之証番書詳錄其詳安從節以惟其地遠起于十洲記及河圖玉版等書混見會於須彌以海水連之爲海水連之見會既不若是之大徒使若廣松爲以須彌爲四大幹山之祖則又誤認須彌於見會須彌又不若是之小豈知釋典起世經言須彌爲四洲地之中心見會爲四洲地之中心是覺番書須彌者地頂也地心上值天頂正北極下平年爲夜夜之地故言日月繞須彌其外大鹹海環之於海中有四大洲而見會特南瞻部洲中之高山乃須彌南面之一隅焉得以爲全地之須彌者是神典以見會爲南瞻部洲之中央即阿彌達山與河圖所稱地中央曰昆侖其東南萬五千五百里曰神洲之說合與神天子傳見會去宗明洞洞萬有一千里之數亦合山海經北東二萬八千里南北二萬六千里自積石千七百四十里自積石出關西郡平洛縣地志可五千餘里又陸大子傳天子自見會山入於宗周乃具西土之數自宗周渭水以西至於河宗之邦陽紆之山三千有四百里自陽紆西至河首四千三百七十四百里又見會地池去宗周萬一千一百里此并以其地爲見會故也聖僧道宣有傳非同他書五萬里七

萬里十萬里四十六萬里之異說蓋道元顯不信而仙東方朔等書幻等城市疑擬理近世儒者所不
屑道西洋人所未屑何者南懷仁坤輿全圖觀宇內名山凡九自西洋萬十三里之山起於東則愈高有萬二三十里者有萬四
十餘里者有萬八千餘里者其未廣高之山名曰高麗所山在阿爾洲城內高百有三十里夫中韓在萬里東則山脈自西來愈
西愈高萬里步量而止西洋在萬里西則山脈自東往西愈高萬里步量而止山脈東西正中原譯名不窮而宇內高山脈推
亞西而西則為歐羅巴洲各山所不及而西非亞細亞而何以萬山之巔當其巔之下謂非萬里金剛何更擬以本朝平放乾隆四十七年遣
使劉河源歸 詔曰史記漢書皆言于闐之西水曾西流注海其東流注海行地而下出為河漢今同經水情調海為海
伏地千聖至青海而始出正對濟水之三伏三見則其會當在國都之西距此萬里黑山錦拉河兩源發源於西有三支
河名見都金蓋古謂俄其見和會蓋有三橫水入於河也然則國都所認見會山者亦當為橫嶺而不當如元都實華青海之見都
會河為國都之見會山更矣 盧行則六合 聖訓如萬古知歸順之常設言自後 皇清通志及松花江圖經城事略
皆本斯說曰之河近源在星宿海西三百餘里遠則為國都而西之基嶺在喀什噶爾萬里千餘里蒙古謂天山冰蓋有名
曰且都金蓋時則曰見會云云顯為不詳妄之見會當為基嶺非青海吐蕃後藏嶺已折衷
大綱圖告中外使康輿從明都則則事書則 聖祖是論固當先 高宗而後之矣

自蔥嶺而東分兩大幹漢書謂之南北山其南山由今喀什噶爾
之烏孜別里山分支經葉爾羌和闐南境綿亙而東抵於青海此
唐一行之所謂北戎也其天山一支由喀什噶爾之喀喇租庫山
迤邐東北繞烏什阿克蘇庫車之背至於伊犁乃折而東又經迪
化之南開展之北直至鎮西哈密東至於塔勒納沁山總名天山
一曰白山一曰雪山一曰靈山一曰祁連山其間隨地異名者以
百數實居北戎之北東西懸亙西域境內乃一行所未及推論者
自天山之額布圖嶺折北而西由哈喇古顏山蜿蜒西下復折而

東出博羅塔拉歷塔爾巴哈台循額爾齊斯河南至於阿爾泰山
是爲北幹此漠北諸山之祖尤一行所未及推論者也蓋西域諸
山出於蔥嶺故言西域山脈者以天山爲之中而尤以中土之北
戒諸山漠北之阿爾泰諸山爲南北兩山支幹之首尾焉

天山之首曰喀喇租庫之嶺喀喇租庫之水出焉東流入於雅滿

雅爾之河其上積雪是生雪蓮

此物產於天山積雪之中狀如今之洋菊
名以蓮耳其生必於極高寒大難者小然不並生亦不同根相去必

一二丈見其一再見其一無不得者蓋如兔絲花各一氣所化氣相感也凡見此花狀往往探之則絕無種以相害則入雪中
無美速即斃求之亦不獲草木有知理不可解此花生極寒之地而作極熱之爲地則多血熱妄行或用合煎藥其藥尤烈

有草焉其狀如韭夏茂冬枯根乃化爲蟲是曰蟲草

今圖西北有之
名曰冬蟲夏草食之

已寒厥之疾有鳥焉如雞而鶩羽羣飛山谷間名曰雪雞

疏附鄉土志此嶺西南至烏孜別里六十里距城六百里勘界

公牘由龍伯克溪布拉可向西南行二十餘里歷哈喇租庫山

豁測准升未騎崙辰戌過境

帕米爾山水道里記此山東距喀什噶爾九百三十里

謹案蔥嶺以烏孜別里爲南北分脈烏孜別里西北卽喀喇

租庫中俄圖約作喀喇雜克或作喀喇札克及哈拉雜均此
山豁多半年積雪人迹罕到西域圖志以天山正幹起烏魯
阿喇特嶺今據諸圖說山勢考之則天山正脈當起此嶺也
又東北曰喀里塔達彎之嶺

疏附鄉土志喀喇租庫北至喀里塔達彎一百四十里距城七
百二十里

帕米爾山水道里記此嶺東距喀什噶爾八百七十里

謹案此嶺一作喀勒塔達宛約文作喀喇阿爾塔俄作喀爾
阿爾特中俄圖約云過瑪爾堪蘇河順喀喇庫里湖東之大
嶺過此嶺之喀里塔達彎山豁此山豁一年內有半年積雪
勘界公牘云由此赴喀喇租庫多爲雪所阻折回木吉向南
行五十里至喀喇租庫卡又西南行八十里至密玉攷入港
又西南行五十里至寵伯克溪布拉可又廿里卽至喀喇租
庫山豁案鄒代鈞約說云喀里他達灣山口轉南偏西廿九

度迤五十四里爲喀拉雜克山口蓋據烏里而言下俱同此
又北曰烏赤別里之嶺有水焉東流入於瑪爾堪蘇河

疏附鄉土志喀里塔達彎北至托古斯布拉特八十里托古斯
布拉特西北至黑孜爾拉提一百八十里黑孜爾拉提東北至
烏赤別里七十里距城八百三十里

帕米爾山水道里記此山東距喀什噶爾八百八十里係取道
木吉若取道明鐵蓋達坂六百四十里

謹案此嶺一作烏斯別里卽黑孜爾拉提爾嶺在瑪爾他巴
之南喀里塔達彎之北

又北曰瑪爾他巴之山瑪爾他巴之水出焉東北流爲得爾必楚
克河

疏附鄉土志烏赤別里北至瑪爾他巴八十里距城八百一十
里中俄圖約自伊爾克什坦一作疊坎
什庫木自然界往南順瑪爾他巴山

作界河之左岸歸俄屬轄河之右岸歸中國屬轄再自此河上

游起順山嶺往南至瑪爾他巴山止自此再順此嶺之岔往烏赤別里山豁過瑪爾堪蘇河

謹案此山一作瑪里塔巴爾或作瑪里他巴爾帕米爾山水道里記云由喀什噶爾西至伊爾克什坦取道木吉一千一百二十里取道明鐵蓋達坂八百六十里光緒七年中俄議約時俄人以南界當止於瑪爾他巴山口爲請蓋逆回阿古柏夙許俄人南至瑪爾他巴山口欽使曾紀澤不許謂里發底亞約定之約內所未有之地斷不得有所增加俄人亦遂無詞迨光緒九年勘界時俄人乘我不覺非但南至瑪爾他巴並由瑪爾他巴更直引向南二百餘里以烏孜別里山口爲南界於是乾隆二十四年六月二十八日參贊大臣明瑞率兵追逆曾霍集占兄弟至和什庫珠克一作霍斯庫克大戰之地亦隸

俄境矣界日記云光緒九年八月十六日由葉爾羌折回烏魯木齊克提往烏間俄使曾紀澤不許謂里發底亞約定之約內所未有之地斷不得有所增加俄人亦遂無詞迨光緒九年勘界時俄人乘我不覺非但南至瑪爾他巴並由瑪爾他巴更直引向南二百餘里以烏孜別里山口爲南界於是乾隆二十四年六月二十八日參贊大臣明瑞率兵追逆曾霍集占兄弟至和什庫珠克大戰之地亦隸

俄境矣界日記云光緒九年八月十六日由葉爾羌折回烏魯木齊克提往烏間俄使曾紀澤不許謂里發底亞約定之約內所未有之地斷不得有所增加俄人亦遂無詞迨光緒九年勘界時俄人乘我不覺非但南至瑪爾他巴並由瑪爾他巴更直引向南二百餘里以烏孜別里山口爲南界於是乾隆二十四年六月二十八日參贊大臣明瑞率兵追逆曾霍集占兄弟至和什庫珠克

案西域圖志和什庫珠克嶺在蔥嶺阿喇楚特東一百里一
統志云和什庫珠克嶺在喀什噶爾西南蔥嶺中山勢寬廣
峯嶺極峻唐書西域傳由疏勒西南入劍末谷不忍嶺卽其
地也 高宗純皇帝御製戰圖補詠詩雙耳山卽此記此
以誌古今陵谷變遷之感鄒氏約說云順瑪里他巴爾山脊
西偏南十二度迤四十里又轉而南偏西三度迤三十八里
爲烏赤別里山口

又東北曰哈喇別里之嶺有水焉南流與伊爾克什他木河匯流
爲烏蘭烏蘇河

疏附鄉土志瑪爾他巴東北至伊爾克什坦三十里伊爾克什
坦西北至哈喇別里七十里距城八百六十里

中俄圖約自此山再順嶺不到哈喇完庫里山豁卽順山岔往
東南過克則勒蘇河至伊爾克什坦

沙大臣勘界日記光緒九年八月十四日由廓克蘇渡河向北

行六十里至東格爾瑪又名哈喇別里達坂絕頂兩國共立牌
博向西南捷徑出口仍回至廓克蘇岸住息來回共計程百六
十里

謹案伊爾克什坦中國作伊爾克什唐俄圖作伊爾克什他
木或作伊爾克池他木中俄共立界牌迤東爲中國地迤西
爲俄國地沙大臣日記云廓克蘇河有二源一出帖列克山
頂一出東格爾馬山頂至此各出山口合流爲廓克蘇向東
南過諸山峽入紅水名可自勒蘇即克池又東流至伊爾克池
他木河以東匯大河名奴拉蘇謂蔥嶺北河黃河源是也奴
拉蘇卽烏蘭烏蘇河紅水河回人名黑孜冷蘇譯謂水曰蘇
赤曰黑孜蓋卽唐書之赤河赫色勒又黑孜冷之轉音也黑
孜冷蘇水東南流九十里又東北流八十里至伊爾克什坦
界處又東流七百餘里爲烏蘭烏蘇河

又西北曰以特特克之嶺以特特克之水出焉東南流入於得爾

必楚克河

疏附鄉土志哈喇別里北至以特特克四十里距城八百五十里

勘界日記光緒九年八月初九日由業干向西南行四十里過柯希額得克蘇水此水源發北山至此出口匯奴拉蘇大河渡大河西行二十里至依爾克什他木卽官圖紅綫之伊爾克池他木河亦卽卡倫單之依爾克什唐是也有水源由迤南雪山中出而北流至此出口入奴拉蘇大河沿途多產銀精附近達坂漫斜草廠不佳遠望則羣山萬壑層出不窮岸上有俄墳壘壘並屯兵演武處所越十數武有帕霞廢卡圪址蕩然計程八十里曩者夷族叛亂俄人屯兵帕霞置卡形勢要害人力所爭此官圖紅綫所界劃卡倫單所特載者也初十日由伊爾克池他木河順奴拉蘇河岸行二十餘里渡河北岸三十餘里至嘎他拉克五十里渡可自勒蘇至屯木倫十一日屯木倫山下向

北行三十里上達坂頂順窄澗三十餘里下至廓克蘇河岸由
此橫渡廓克蘇河上小達坂北行至以克則克山口三十里住
計程九十餘里十二日向北行二十里至以克則克山頂過山
下五里至廓克蘇河岸渡河越達坂入口四十里轉北行六十
里山勢漸高沿途窄狹草色黃薄至此以上皆不毛之土又行
二十里至帖列克山頂計程百二十里又回至廓克蘇共計去
來路二百四十里十五日由廓克蘇回走向南數里許至以克
則克山梁兩國共相立博埋牌畢過山七十餘里上凱爾滿庫
魯達坂極高過此三十里出山至奴拉蘇渡水又四十里還舊
路之伊爾克池他木河始坦然立博埋牌再至業干住計程百
七十里

謹案約文曰伊克則克又曰卽伊特特克中國作以克則克
俄圖作伊特推克凱爾滿庫魯卽中俄圖約之喀喇完庫里
也嶺在伊爾克什坦之北以特特克東南沙大臣勘界時蓋

先立以特特克牌博而後立伊爾克什坦牌博也

又東北曰哈喇卡拉之嶺哈喇卡拉之水出焉東南流入於得爾必楚克河

疏附鄉土志以特特克北至哈喇卡拉七十里東南距城八百七十里

勘界日記光緒九年八月初八日由克斯達爾行六十里至哈喇卡拉達坂兩國共立牌博並埋銅牌由此回住業干計程百六十里

謹案約文作哈喇恰拉又曰卽喀喇察勒俄圖作喀喇查勒又東北曰達斯達爾之嶺業干河水出焉

疏附鄉土志阿賴依接西北峯一支北行爲黑孜爾拉提山是爲北幹

疏附縣之布布喀克鄉西界黑孜爾拉提山與俄國界黑孜爾拉提山八百五十一里

又西北行連起三峯曰黑

孜冷山曰綠野山曰托合巧山袤延三百餘里崢嶸極目冰雪凝積山東北卽烏蘭烏蘇河源再北由帖列克達灣折而東行

爲通布倫嶺

一名屯木嶺

入縣境爲達斯達爾極險峻業干河出其南

嶺東南距城九百一十里至哈喇卡拉六十里

勘界日記由塔拉庫勒達坂折回路口向北行八十里漸漸高險水南流望之約十餘里即克斯達爾達坂又呼黑子塔爾不能住越同指山梁爲界計程二百里

謹案約文作克斯達爾中圖作克斯爾俄圖作克則達爾或作克自達爾莎車行記云天山在葉爾羌者統名塔爾塔什達巴罕直包喀什噶爾西北兩面塔爾塔什即達斯達爾譯者異文耳鄒氏約說云界自克自達爾山口南偏西七度三十分迤七十里爲烏蘭烏蘇河入界處即伊爾克什坦山口也河南岸爲瑪里他巴爾河北流入烏蘭烏蘇河之口界又沂瑪里他巴爾河南偏東十四度三十分迤三十二里爲瑪爾他巴爾河源即瑪里他巴爾山也

又東北曰塔拉庫勒之山

疏附縣志達斯達爾又東行七十里爲塔拉庫勒山有水流入業千河塔拉庫勒東距縣城八百三十里通俄之阿拉爾胡山

勘界日記光緒九年八月初四日由郭博沙子岔口向南行草木茂盛水亦漸大七十里至山口昔安夷設有墻垣以防布回審之形勢險要天然出山數里曠宇天開樹木叢雜平原草長秋氣澄清是處居人蕃盛四野牛羊起臥如白雲焉其地名烏魯恰克提中有土堡四周甚敞問之爲安夷帕霞築也住後策馬流覽日西忘歸計程八十里初六日由烏魯恰克提行四十二里過安夷廢卡繞流以行計程七十里草堪飽馬初七日由業千向東北行百里過安子滿集又二十餘里至塔拉庫勒達坂如前立博埋牌

謹案約文曰即塔爾塔庫勒中圖作塔拉庫勒俄圖作塔爾特庫里

又東北曰薩瓦雅爾得之嶺其陽薩烏雅河出焉東南流入於玉區塔什之河

疏附鄉土志塔拉庫勒山東六十里折而北行約百里爲薩瓦雅爾得山薩烏雅河發源南麓在縣城西北八百四十里額得格訥部落嶺

勘界日記光緒九年七月二十九日由阿拉于胡向西行十里過博圖馬拉克又四五里靠河北岸有自來石洞簷牙高拱崖畔橫撐峰嘴逗出數丈峯腰下垂泉滴如乳訪之土人僉曰傳說楊侯爺水由此西北六十里渡帖列克河水向東北穿峽越障總滙烏依他拉又拗折行四十餘里住烏依他拉計程百四十里八月初一日回住洞泉南岸百二十餘里初二日越達坂向東南行水源發自薩瓦雅爾得山頂松柏蔥蔥濃陰夾道布回住牧其中山高洞窄行六十里至薩瓦雅爾得下住息初三日向西南行二十里至薩瓦雅爾得達坂絕頂層雲盪胸下臨

無地此中俄交界處立博埋牌胥如前式由此過山南峭壁森立澗溝狹如永巷水邊間有松柳五十里至鄂博沙子計程八十里

謹案薩瓦雅爾得一作薩瓦亞爾坎俄圖作薩瓦雅爾得恩薩烏雅河日記作哈什瓦克

又東曰色丹之山有水出其南南流入於玉區塔什之河

疏附鄉土志薩瓦雅爾得山東一百六十里至色丹山極險峻謹案約文曰色旦又曰卽薩依德俄圖作賽達木或作希依達木

又東北曰塔拉格依之嶺有水焉東南流至于盧塔什入於玉區塔什之河

疏附鄉土志色丹東北三十里至塔拉格依通俄之阿拉爾湖勘界日記光緒九年七月二十七日由依什嘎爾提行三十餘里至塔拉格依山口約上二十里高出雲霄係兩國交界之地

立博埋牌折回原路沿途俄屬布魯特二麥登場農忙如許山
花野果恰是秋初緩轡二十餘里至阿拉于胡是日行七十里
遂止焉午飯後向東南十餘里延望色丹欲上無路同指山梁
爲界約如前

謹案約文曰塔勒格依俄圖作塔拉蓋或塔勒葛依

又東曰喀喇瑪阿蘇之嶺石壁陡絕峻不可升玉區塔什河之西
源出焉

疏附鄉土志塔拉格依又三十五里至喀喇瑪阿蘇在縣城西
北六百五十里

謹案中俄圖約作喀喇瑪克阿舒

又東曰吐子阿蘇之嶺玉區塔什河東源出其南麓西南流入於
薩烏雅河

疏附鄉土志喀喇瑪阿蘇東四十里至吐子阿蘇在縣城西北
六百五十里爲玉區塔什河發源之處

謹案約文曰圖子阿蘇又曰卽阿朗庫勒俄圖作圖仔阿舒
又東曰庫嘎爾塔之嶺有水東流會於乙尾河口

疏附鄉土志吐子阿蘇東行二百里連峰不斷直至庫嘎爾塔
在縣城西北冲巴噶什部與俄七河省阿哈沙依及阿拉的灣
連界乙尾河一名葉雷河源出庫嘎爾塔嶺之西南山中東北
流百餘里會於乙尾河口

謹案約文曰庫噶爾塔又曰卽博爾貴俄圖作廓嘎爾特或
作布爾圭

又東北曰伊提木阿蘇之嶺有水東南流會於乙尾河口

疏附鄉土志庫嘎爾塔北行三十里至伊提木阿蘇險峻尤甚
謹案約文曰伊提穆阿蘇俄圖作志推木阿舒沙大臣勘界
日記圖伊提木阿蘇在庫嘎爾塔之東

又東北曰蘇約克之嶺兩峯對峙圖舒克塔什河水出焉

疏附鄉土志伊提木阿蘇北行三十里爲蘇約克俄人名爲圖

允兩山峽中爲圖舒克塔什河源東南距縣城五百九十餘里勘界日記光緒九年七月十八日由托雲向西行二十里過山

順阿依蘭蘇六十里抵葉雷子_{即庫}住馬其水至此入克每斯蘇

{即圖舒克塔什河之異名}有二源一出蘇約克山頂一出庫{即庫}爾塔山頂合流自

北而南計程八十里草好山無林木二十二日未黎明即入山行五十里至庫_{即庫}爾塔達坂頂上僅有牧羊之路照前立博埋

牌折回原路八十里至蘇約克達坂於路東高處共立牌博如前式二面山峯最高路北下有安夷帕霞廢卡沿途策馬迅馳

歸來不暇看及回住葉雷子去來計程二百四十里二十四日由葉雷子向西行入山口五十里住息水發源此山東流入克

每斯蘇草色茂盛河水清淺魚長尺半其山產石明如水晶大小六楞棱角攢簇俄俗焚灰坊牆望之潔白二十五日行二十

里兩岸狹窄爛石塞道六十里至于墟他什口_{即玉區}山有水源

清冷可鑑二十六日由于墟他什口向北延望二十餘里見依

提木阿蘇達坂無路登臨同指山梁爲界三十里至吐子阿蘇縱橫皆山一望無際立博埋牌卽下達坂東南有哈喇瑪阿蘇望之二十餘里高陡無路如前指山梁爲界復緣岸前行層巒聳翠水聲潺湲四十里至依什嘎爾提住息

謹案約文曰蘇岳克俄圖作蘇葉克或作圖雲或作圖允又作圖永鄒氏約說云界自圖永北偏西三十度迤二十六里又轉而東偏南四十一度迤三十二里又轉而南偏西十九度迤二十里又轉而西偏北二十一度三十分迤二十六里又轉而西偏南二十三度迤百三十二里爲克自達爾山口又東曰圖魯阿提之嶺有水焉西南流入於圖舒克塔什之河疏附鄉土志蘇約克正幹北行入俄境東南一支行二百里至圖魯阿提復東行綿亙不絕至巴圖瑪喇克爲縣境東北諸山以入烏什廳界

勘界日記光緒九年七月十六日入口五十里至頂卽圖魯阿

提達坂水從此發源西南流柴草足卽於路東高處立博埋牌
戊申勘界公牘由圖魯阿提達坂西行二百里經俄屬阿爾拜
又前行三十里爲蘇約克達坂

謹案約文曰圖魯阿提依至又曰卽圖魯噶爾塔俄圖作圖
魯噶爾特或作圖魯噶爾特西域圖志烏魯阿喇特達巴在
喀什噶爾西北爲葱嶺東北分支處由是東北行爲天山正
幹烏魯阿喇特當卽此嶺由縣城至此五百一十四里通俄
國納林橋與七河省之阿吐巴什連界鄒氏約說云界自圖
魯噶爾特山口西偏南二十六度迤六十四里又轉而西偏
北三十六度迤五十五里爲圖永山口

又東南曰黑孜庫爾之嶺塔司塔爾水出焉西南流一百三十里
入於圖舒克塔什之河

疏附縣公牘圖魯阿提嶺東行一百六十里至黑孜庫爾東南
距縣城四百里

勘界日記光緒九年七月十四日向西行五十餘里至黑孜庫爾山頂甚平水分二面係中俄交界地方共相立博埋牌約如前至恰克瑪克口八十里又六十里至托雲多拜過圖魯阿提水西岸住息計程二百里

謹案俄圖作克則勒庫爾或作克西勒庫爾鄒氏約說云界自克西勒庫爾山口北偏西二十八度迤三十二里又轉而西偏南三度迤三十四里爲圖魯噶爾特山口

又東南曰倭圖魯克之嶺恰那特桿之水出焉南流一百七十里入於圖舒克塔什之河

疏附縣公牘黑孜庫爾東行一百十里至倭圖魯克南距縣城三百二十四里

勘界日記光緒九年七月十五日勘倭圖魯達坂在哈喇多拜西南八十里達坂頂卽倭圖魯河源共立博埋牌如前式

謹案約文曰烏圖魯俄圖作烏爾他蘇西域圖志云額圖克

達巴在喀克沙勒鄂拉西南三百里踰山而北通布魯特境
山南爲喀什噶爾山脈自葱嶺分支由烏魯阿喇特達巴東
北行三百里至此又東行歷木素爾鄂拉又東歷汗騰格里
鄂拉又歷博克達鄂拉又東入鎮西境極於塔勒納沁鄂拉
東西三千餘里爲天山正幹一統志云額圖克嶺在烏什西
南喀克沙勒山之西三百里額圖克當卽倭圖魯克山爲今
中俄分界正與疏附南北相望中俄圖約作烏爾他蘇又西
域圖志載有哈喇一山云哈喇鄂拉在額圖克達巴西北爲
其支山博羅和碩郭勒木什謬斯騰特們郭勒發源南麓博
羅和碩在玉斯屯阿喇圖什西南二十里源出西北山中東
南流過阿喇圖什而止不通大河木什在喀什噶爾城北源
出赫色勒郭勒北山中東南流過喀什噶爾城北會赫色勒
入雅滿雅爾謬斯騰特們在木什謬斯騰北源出北山東西
二源合而東南流入木什謬斯騰案疏附縣圖不載哈喇之

山據圖志稱額圖克西北支山當已劃歸中俄界外鄉土志

云圖舒克塔什河發源於城西北五百九十餘里蘇約克達

坂之南兩山峽中東南流至克子冷科羅桿一名圖舒圖魯阿提

之圖允水入焉又南流至恰哈瑪克黑孜庫爾達坂之塔司

塔爾水入焉又東流至巴依和登倭圖魯克達坂之哈那特

桿水入焉又東南流至圖舒克塔什出口河南別分一支

東南流名白水河一百二十里至伯什克勒木莊伏焉其正

支依山東流五十五里至玉斯圖阿爾圖什玉斯圖阿爾圖什在破麻城
北六十八里北抵大山南抵白

水河東抵圖舒大阿爾圖什在西漢圖舒
克塔什卡即圖志之玉斯圖阿爾圖什也又東南流一百六十里至格達良與烏

蘭烏蘇河會流而東出龍口橋據此則博羅和碩卽今之白

水河博白同音字也特們當爲圖允之異文亦曰托允俄人

呼蘇約克爲圖允蓋自蘇約克至額圖克皆一山相連一名

或數十里數百里隨人所指耳哈喇山當蘇約克之東北倭

圖魯克之西北而特們木什諸水發源其南古今異名按圖

可索又縣圖載有穆什河入烏蘭烏蘇而源甚近不出北山
非西域圖志之所謂木什也

又東曰鐵列克提之嶺克科雅水出焉西南流入於圖舒克塔什
之河

疏附鄉土志圖倭魯克東行一百四十里至鐵列克提南距縣
城四百二十四里

謹案約文曰鐵列克拉依中圖作帖列克提俄圖作帖列克
新疆圖說云鐵列克在疏附城北八百餘里誤鄒氏約說云
界自帖列克山口北偏西二十八度迤四十里爲克西勒庫
爾山口

又東南曰黑皮恰克之嶺

疏附鄉土志鐵列克提東行一百六十里至黑皮恰克達坂西
南距縣城三百七十五里

謹案俄圖作喀喇志勒嘎或作齊特察克鄒氏約說云界自

齊特察克山又轉而西偏北二十度迤十五里爲帖列克山口卽聖武記所言之鐵列克嶺有路南通喀什噶爾北建俄七河部所屬之那林斯闊業那林斯闊業在貼列克山口之北偏東六度二百三十里俄人築砲台屯重兵之處

又東南曰博孜咬格爾之嶺

疏附鄉土志黑皮恰克東行二十里至博孜咬格爾達坂西南距縣城南四百三十五里

謹案約文曰博斯愛格爾俄圖作庫爾撒別里或作布孜愛噶爾據伽師縣圖由縣城北至克子布拉克折西至阿卡塔什又折而北至此嶺七百一十里鄒氏約說云界自庫爾撒山口又轉而南偏西二十三度三十分迤二十里爲齊特察克山口

又東曰和堅特之嶺

疏附鄉土志博孜咬格爾東行三十五里至和堅特西南距縣

城四百三十五里

謹案約文曰和踐特俄圖作喀喇濟勒干或作喀喇志勒特
據伽師縣圖由縣城北至格達梁折西至阿爾圖什又折北
至添格塔爾卡又折西北至此嶺六百里一十以上三山均
有小水不入於河

又東曰庫倫杜之嶺

疏附鄉土志此嶺一名庫魯木和堅特東行一百二十里至庫
倫杜達坂西南距縣城四百八十里與俄七河省之阿哈沙依
連界

勘界日記光緒九年六月二十六日由他什阿列克向西南行
八十里至哈喇多拜住倭圖魯蘇河岸計程八十里沿河兩岸
近山平低按哈喇多拜卽帖列克提達坂迤北八十餘里出水
總口由此口進而路分三岔水亦隨之南望和堅特帖列克提
博孜哎格爾黑皮恰克四達坂東西綿亙橫絕南北山陰積雪

朗徹雲衢二十七日越哈喇多拜催促俄使韋立根勘分咩登
斯開抱病赴喀城故也卽日向東北行過帖列克地方及黑子
蘇至哈喇布都爾阿克他什山口百五十里走至日夕方入吐
素阿修爾達坂遍山皆雪兩岸泥濘盤旋而上雪沒馬腹及巔
五十里夜過半矣探之積雪深不見底立雪待旦計程二百里
二十八日布回覓路未得惟挖雪鑿冰踉蹌而下馬落澗底骨
碎血流人幸未墜耳出山口峯嵯難行八十里過庫倫杜至冲
布霍爾罕卡倫五十里住馬計程百三十里二十九日西行十
里草色青青韋立根迂道來此卽同赴庫倫杜達坂立博埋牌
折轉住以牧馬三十日西行五十里至哈喇別里住七月初二
日由哈喇別里向西北行渡買丹蘇_{即安}及和堅特蘇二水約行
一百五十里初三日至博孜咬格爾山頂約五十里過此行八十
里折回哈喇多拜初五日至十三日疊接張幫辦來牘謂哈喇
多拜暨屯木倫等處爲現管之地力爭數日俄使抱定紅綫百

折不回延宕數日同章使始赴和堅特博攷咬格爾黑皮恰克帖列克提四處達坂共相立博埋牌背如前式卽順倭圖魯蘇北岸向西行十五里住息

謹案約文曰庫倫都俄圖作庫魯木都克據伽師縣圖伽師城北距此嶺五百五里鄒氏約說云界自庫魯木都克山口西偏南三十四度迤五十四里轉而西偏北三十九度六十里爲庫爾撒山口

又東曰巴圖瑪納克之嶺有水焉東流入於巴拉棍代河

疏附鄉土志庫倫杜東行一百五十里至巴圖瑪納克達坂西南距縣城五百五十里通俄之哈拉湖與七河省之薩爾巴連界

勘界日記烏魯達坂西南約五十里有巴圖瑪納克山布魯特來往貿易之徑徑之左右中俄互立鄂博並埋銅牌

戊申勘界公牘由巴圖瑪納克達坂西行七十里經俄屬庫里

都克轉南行八十里至庫倫杜達坂

謹案中圖作巴魯瑪勒克俄圖作布特莫那克或作布特瑪納克據伽師縣圖伽師城北距此嶺五百二十五里鄒氏約說云界自布特瑪納克山口南偏西三十三度迤五十六里爲庫魯木都克山口

其支山曰克子圖山由蘇約克分支南行圖舒克塔什河繞其西圖允水出其東

疏附鄉土志克子圖山東南距城四百八十里新疆圖說作三百四十里深東西長一百二十里南北五十餘里高八九里山內有阿哈哈依草場

謹案此嶺正隸北行入俄境東南一支爲克子圖山

曰喀爾鐵蓋山由圖魯阿提分支東行逕黑孜庫爾嶺折而南塔司塔爾及哈那特桿兩水東西夾流道光時擒張格爾處也

疏附鄉土志南距縣城二百八十里東西長五十里南北百餘里高七八里

謹案倭圖魯克嶺南分一支爲喀爾鐵蓋山又分一支爲哈

拉鐵列克山

曰哈拉鐵列克山由倭圖魯克嶺東北行折而西南克科雅河繞其西元太祖軍至雪山禱神封祭地也

疏附鄉土志南距縣城二百四十里東西長五十里南北二百餘里高八九里山北險峻山南較平坦

曰格恰克山由鐵列克提嶺東南行再南爲伯郭斯山

疏附鄉土志一名克依克山南距縣城二百一十里

新疆圖說作一百六十里誤

東

西長三四十里南北百餘里

新疆圖說伯郭斯山在疏附城東北一百九十里

謹案帖列克提嶺折而南行爲格恰克山一支東行爲托音

圖巴山

曰托音圖巴山由格恰克折而東伊蘭瓦斯水出焉山南一峯爲巴爾昌山又西南爲阿奇克山

疏附鄉土志一名托依山西南距縣城三百四十里東西長一百餘里南北九十餘里極險峻巴爾昌山距城一百九十重

一作二百一十里阿奇克山距城一百五十里

一統志巴爾昌在烏什屬之色帕爾拜西南行山徑崎嶇由呼蘭齊克至巴爾昌三百二十里出烏什西南境外通喀什噶爾之路其南外山如屏直抵烏什南境東西千里沙磧彌望

曰蘇渾山由托音圖巴山分支而東經哈拉別里達坂折而南值伊提約爾卡東北北分一支東行至闢展大山南分一支爲伊提約里山東行至吐魯沙依綿亙不絕其山多銅

疏附鄉土志此山西南距縣城二百七十里東西長五十里南北八九十里回人呼銅爲密斯土魯沙依一帶山內銅皆石苗開洞高尺餘寬二尺臥而鑿之苗厚者一二寸每坯百斤燒生銅四十餘斤

新疆圖說伊提約里山在疏附城東二百一十里

謹案以上諸山均在圖舒克塔什河東北

曰庫斯渾山由吐子阿蘇嶺分支東南行繞葉雷河南突起一峰高十餘里山北石坂險峻山南多松柏產炭產石油庫斯渾水出其西伊阿奇水出其東

疏附鄉土志東南距城三百八十里其東南一支行三百餘里由明約路而南直當縣城之北庫斯渾流至哈浪圭與伊阿奇水合而南流七十里入於烏蘭烏蘇河

謹案吐子阿蘇嶺南分支折而東行爲庫斯渾山石油回人名耶亞黑由石隙中流出斯渾大山有之

曰康山由古立鐵梗分支南行其上產銅產嵐炭多松林飛泉出焉下流爲科克申堪蘇之河

疏附鄉土志一名落康山東南距縣城三百里東西長四十里南北二十餘里科克申堪蘇河一名坎素河發源於城西四百七十里古立鐵梗之南東南流繞康山之陽百餘里泉流數道

合而爲一至坎素折而南流七十里入於烏蘭烏蘇河

謹案疏附西北自安鳩安卡起至上五拉克止沿烏蘭烏蘇河左右一帶山內長三四百里產銅皆浮苗寬二三寸厚數分每坯百斤燒生銅二十餘斤萬山叢雜隨隱隨見山極險峻登採爲難上五拉克設銅廠一處

曰伊格則克山由塔拉庫勒山分支南行其上多松林產花紋木薩烏雅河經其東北業干河繞其西南

疏附鄉土志東南距城七百四十里東西長五六十里南北百餘里

謹案以上諸山均在烏蘭烏蘇河北

曰哈喇特山由西南黑孜黑拉特山分支東行其陽多松柏其陰沙哈爾之水出焉東流匯伊爾克什他木河入於得爾必楚克河疏附鄉土志東距縣城六百八十里南北長五六十里東西百餘里山南之水均流入瑪納坎河

新疆圖說在疏附城西南八百二十里今希布察克部

謹案一統志汗特勒克山在葉爾羌西北葱嶺分支汗特勒克卽哈喇特也此乃葱嶺之分支西域圖志列爲正幹非也曰瑪爾幹山由哈喇特東行連峰崛起其上多松得爾必楚克河經其北瑪納坎河經其南

疏附鄉土志東距縣城四百三十里西接哈喇特山東西長一百五六十里南北三四十里

新疆圖說在疏附城西四百三十里卽今希布察克部瑪納坎山

謹案黑孜爾拉提山東分一支行二百里爲哈喇特山又東行百六十里爲瑪爾幹山行百餘里至別什托海西止

曰喀卜喀山由葱嶺東南峰分支東行重峰疊嶂積雪崢嶸石壁冰梯上凌霄漢其北科可倫之水出焉其東阿依之水出焉

疏附鄉土志東距縣城五百五十里東西長一百六七十里南

北五六十里

謹案西域圖志克伯訥克達巴在喀什噶爾西境外一百里其東爲哈喇塔克喀卜喀卽克伯訥克之轉音也

曰額依爾阿特山由喀卜喀山分支經明鐵蓋達坂東行阿依之水逕其南阿奇之水逕其北產石煤

疏附鄉土志一名阿依阿奇山東距縣城三百四十里南北長四五十里東西一百餘里

新疆圖說在疏附城西南三百四十里卽今希布察克部阿衣阿奇山

謹案石煤回人名帕卡科買產阿依阿奇之山如石層層

曰烏魯瓦特山由喀卜喀山分支經波羅可孜達坂倭儀水逕其南阿依水逕其北產石鹽

疏附鄉土志一名烏魯阿提山東北距縣城二百八十里南北長三四十里東西一百三四十里倭儀水發源於縣城西南四

百九十里柰曼部之別里阿利及阿吐阿依拉克兩山峽中東流八十里至雅拉古攷阿克會而爲一東北流一百四十里入於雅滿雅爾河烏水發源於縣城西南四百八十里希布察克部波羅可攷山之東東流二百二十里伏於沙磧

新疆圖說烏魯魯阿特山在疏附城西南三百里今希布察克部謹案喀卜喀山東分一支爲烏魯瓦特山一支折而南行百餘里又折而東行爲浮依木山循雅滿雅爾河之北行三百餘里至伊爾古楚止產石鹽回人名雅利木吐斯生烏魯恰克提石山中烏魯恰克提卽烏魯瓦特也

曰浮依木山由喀卜喀山分支經阿那幹達坂東行峰巒重疊壁立千尋倭儀之水出其北雅滿雅爾河逕其南

疏附鄉土志一名倭儀塔哈山東北距縣城二百九十里東西長一百七十八里南北二三十里卽乾隆時霍集占兄弟由玉魯克嶺遁去之地

新疆圖說在疏附城西南二百九十里卽今柰曼部窩依塔哈
曰馮塔克山雅瑪雅爾河逕其西北

疏附鄉土志北距縣城二百二十里在塔什密里克莊東西長
一百餘里南北二三十里與英吉沙爾分界

新疆圖說在疏附城西南二百四十里今柰曼部

曰勒秦烏巴什山突起戈壁中其陰石壁斑駁其陽多松柞高陰
蔽天阿奇河繞其西烏蘭烏蘇河繞其北

疏附鄉土志東距縣城一百一十里東西長一百餘里南北四
五十里

新疆圖說在疏附城西二百一十里卽今烏帕爾莊

謹案烏帕爾莊在城西一百三十一里北抵此山圖說蓋連
山之長並計之也

以上疏附境內支山

曰沙格山

謹案此山在巴楚州城西鐵里木華莊之北與伽師縣連界
新疆圖說云鐵里木華莊在城西南五百一十里

曰黑石山

巴楚鄉土志在城北四十里俗呼黑子屹塔

曰排山

巴楚鄉土志在城北九十里一作扒山

曰烏落果山其上多鷹

巴楚鄉土志在城東北一百一十里削壁嶙峋上多鷹巢山下
小石山如拳者五一作烏果治可山

曰圖木舒克山

巴楚鄉土志在城東北百五十里烏落果山東北山腰有廢城

曰瑪札山色黑無草木

巴楚鄉土志在城東均黑石西南皆沙岡

謹案新疆圖說云瑪札塔哈山在瑪喇巴什廳城東南一百

一十里卽此山也

曰色格山

謹案此山在巴楚州城東南故海子東

曰切里山

謹案此山在巴楚州城東北察巴克驛即八台驛距七十里之西北一作

切里塔哈

曰覺里孔山

謹案此山在烏落果山之南切里山東北葱嶺北河經其南

曰克拉甫山產鹽葱嶺南河經其北

謹案此山在巴楚州城東南蘇沙湖南巴爾楚克台即老九台西北

山四周皆水新疆圖說載有土司塔哈山在城南一百五十

里回民謂鹽爲土司山產鹽故以土司得名卽此山也

曰密其提山

謹案此山在巴楚州城東南哈喇塔克臺北鹼海子東蘇沙

湖西南

以上巴楚境內支山

又東北曰烏魯之嶺其稀布勒孔蓋河水出焉東流爲畢底爾河
新疆圖說在烏什西北七百六十里

勘界日記光緒九年六月二十日山科克黑雅口界外渡河向
東南行十里過達坂曲折數十里上達坂又十里至烏魯山頂
澗水西北流冒雪一往午初至頂高出羣峰雪深數尺寒風栗
烈最高處去路二十一步立鄂博建木牌埋銅牌如前式俄使
亦於路南立鄂博焉

謹案俄圖作川烏魯鄒氏約說云界自川烏魯山口南偏東
十六度迤四十八里爲布特瑪納克山口

又東北曰奇恰爾之嶺奇恰爾水出焉東南流入於其稀布勒孔
蓋河

新疆圖說距城七百里

烏什鄉土志距烏魯一百里

勘界日記光緒九年六月初四日出庫噶爾特山北口渡阿克薩依河布魯特部落遍野遊牧向西南紆折行復渡阿克薩依河東岸連山崔巍五重四十里下坂住剝作依口計程百里以上均界初五日由剝作依向南行二十里越山穿澗溪水南流繞入大河至達坂頂崢嶸萬仞險極矣向非奇恰爾達坂也過此下數里至澗底清水南流二三里入阿克薩依河渡河又登達坂矗立青霄如壁上行後先一步大判低昂再十五里躋其巔卽奇恰爾山頂片雲頭上氣息爲促路東下頗平路北二十一丈有奇小峰頂上立木牌書滿漢文大清光緒九年六月初五日由天山中梁奇恰爾達坂頂上中俄兩國會分界處理立木牌永遠爲憑三十九字下建鄂博另窖銅牌一方俄使立博在路之南約五丈餘有安集延廢卡計程五十里徒步下山折回剝作依口駐馬

謹案約文曰齊恰爾中國作奇恰克俄圖作尺察爾或作川
赤察爾鄒氏約說云界自川赤察爾山口卽阿克賽河入界
處界又南偏西三十一度迤三十六里爲川烏魯山口

又東北曰庫嘎爾之嶺庫嘎爾水出焉東南流入於其稀布勒孔
蓋河有獸焉狀如馬名曰駒蚤

新疆圖說東南距烏什廳城六百八十里

烏什鄉土志距奇恰爾九十里

勘界日記光緒九年五月十六日由喀蘇勒棍伯色起程向西
南行渡澗水百二十里至雅海奇公伯斯大河統名哈黑薩勒
河

即喀克特
之河

水涯多生小柳地氣頗寒始種二麥岸生淺草纔沒馬

蹏河滋白魚肥美惜不識名沿途越五山脚路多棱石頗不易

行計程百二十里十七日由雅海奇公伯斯向西行十里過阿

哈布隆水行五十里過谷克來水

一作塔
克力

水急南流入大河至哈

喇布拉克卡計程八十里北山峯頭最多積雪難消南山漫平

草綠河岸柳色纔黃浩罕變亂時馬步二營尙未類圮十八日
小雨緩息十九日由哈喇布拉克向西南行六十里至恰布罕
黑頁達坂繞山而行約五里之險又五里至薩里布拉克計程
七十里草色萋萋水聲潺潺無林木多風雨賴荊棘炊爨二十
日由薩里布拉克向北行五里許入山口衆石壘壘難容馬足
約六七里至頂稍平北行八十餘里下澗溝渡瓊庫恰克水八
十餘里至巴拉棍代計程二百里二十一日涉巴拉棍代水向
西南行時越達坂路如旋磴過吐須克恰普山約七十里至庫
嘎爾特山口渡水駐息谷口風雨時來草榮綠帶委員額騰額
迎俄使同到此二十二日與俄使咩登斯格韋立根議續勘未
分之界六月初二日由庫嘎爾特山口起行向西北行二十里
入峽口山勢險惡懸崖千尺處處頑石塞溪仰望峰頭獸形鳥
狀幻出不窮三十里越達坂西山晴雪閒雲覆之澗口飛泉噴
如細雨承而飲之味帶甘和泉下凝冰極厚烈日不消又西北

行渡水四次行四十里至庫嘎爾特達坂頂上高極晴日飛雪
大風一過沙石翅飛此中俄交界處也過此西北行地產山葱
花卉遍生道旁至庫嘎爾特山北口計程百四十里俄屬布魯
特部落紛紛羅拜亦解送迎初三日返達坂頂去路西北丈餘
埋立木牌書滿漢文字光緒九年六月初三日由天山中梁庫
嘎爾特達坂頂上中俄兩國會分界處理立木牌永遠爲憑三
十八字又西五六丈峰下砌鄂博路東丈餘石片下鐫銅牌焉
俄使於路東亦立鄂博

謹案洪圖作闊嘎爾特一作庫噶爾塔一作庫嘎爾特一作
廓厦爾特皆喀克善之異文也

又東北曰喀克沙勒之嶺其獸多羚狍畢底爾河水出焉東流爲
托什干河

西域圖志在伯得里克鄂拉西南二百三十里自額圖克達巴
東北行至此踰山而北通布魯特境山南爲喀什噶爾南北相

距各三百里

一統志在烏什西北自葱嶺折東行大山延亙至此

謹案此山卽喀克善山俄圖作科克沙爾洪圖作廓克沙勒或作廓克沙里謂卽貢古魯克兩山合而爲一其實貢古魯克在東相距六七百里非一山也新疆舊圖列喀克沙勒於庫倫杜之上而又別出喀克善山尤誤之甚者也此處中俄指山爲界

又東曰烏成庫什之嶺托什干之水出焉東南流入於阿克蘇河其山產鉛

西域圖志在伯得里克鄂拉西一百里烏什之西托什干達里雅出其東東流計四百里經烏什城北又東會呼木阿里克郭勒南流是爲阿克蘇郭勒

謹案勘界日記作依占可什卽新疆舊圖之戈什山新疆圖說戈什山在烏什城西北三百里玉簪水發源此山南流與

畢底爾河會玉簪卽依占之轉音故又名依占可什河今人呼爲玉簪河蓋初源爲玉簪至阿克蘇始名托什干河回語謂兔爲托什干河濱多兔故名洪圖作塔烏什堪達爾雅河又東北曰別疊里之山其上有安夷帕霞三廢卡別疊里之水出焉東南流會於畢底爾河

西域圖志伯得里克鄂拉在卓哈達巴西南二百四十里

一統志伯得里克山在烏什西北

新疆圖說在烏什城西二百五十里別疊里水距城西一百三十里其源出城西北內附之奇里克布魯特部別疊里達坂雪峯下東南流四十里至阿哈奇里又東南流八十里至伊布拉引外卡又南流四十里至哈衣塔又南流五十里至巴什雅哈瑪莊與畢底爾河會

勘界日記光緒八年九月初八日由小別疊里行八十里至倭

依塔

即塔

卽別疊里山口初九日向北行四十里駐依布拉卡

即依

引 水向南流澗徑平坦澗水西北流初十日至廢卡六十里又三十里出澗登山過卡倫積雪凝寒陡峻無比向陽處雪消泥滑至頂有安夷廢卡卽中俄交界處埋立界牌大書滿漢文光緒八年九月初十日中俄兩國由別疊里山頂大嶺會分界處埋立木牌永遠爲憑三十三字牌左峭石下暗埋烏什界銅牌一方俄使就牌東數武亦立鄂博焉是日回駐三十里廢卡由此至頂共三廢卡皆安夷帕霞變亂時所設也

謹案伯得里克卽別疊里一作別牒里俄圖作別得里蓋畢底爾之異文也此山爲由依孜拉音卡通俄之路鄒氏約說云界自別牒里循廓克沙里嶺西偏南四十三度三十分迤一百六里又轉而西偏北一度迤七十四里又轉而南偏西十九度迤三十六里爲川赤察爾山口

又東北曰可可容之嶺可可容水出其南麓南流一百里伏於戈壁

烏什鄉土志距別疊里九十里在城西北三百二十里

又東北曰貢古魯克之山有水焉南流伏於砂石

新疆識畧在烏什城西北二百餘里自東而西山岡連接

新疆圖說此山立中俄界牌在烏什城北二百三十里貢古魯水在城西北二百里其源出奇里克布魯特部北山南流一百里至窩哈塔什伏於山溝亂石中時隱時現

烏什鄉土志至可可容一百二十里

勘界日記光緒八年八月十八日由烏什向北行十五里過雅滿雅河又十五里過哈拉巴克河又二十里抵小貢古魯克計程五十里水東南流名貢古魯克河兩岸草足十九日由小貢古魯克向北行約六十里駐喀依車山口有卡倫駐兵十名澗水出口向東南流一路戈壁柴草缺乏二十日由喀依車口入山約四十里有廢卡一所山形左右穿插相錯水涯樹木叢生四十里有峽口二面峭石壁立寬僅丈餘澗水噴出人馬橫流

而過十餘里山重水複陡峻異常下馬登山望之雪霽雲蒸崇
隆九萬天山頂也中俄交界處山南屬中山北屬俄委因無路
往勘同指山梁爲界計程百里二十一日由喀依車出山口向
西行六十里入貢古魯克山口又三十里駐卡倫處澗岸林立
高數十仞狀如城郭計程九十里二十二日緩牧乏馬二十三
日由貢古魯克卡向西北行澗石叢雜一百二十里入峽口懸
絕千尺陰谷颼颼疑似風雨飛颺欲逐雲奔岐徑峽如隘巷者
十餘里過此寬平十里外又陡極棄馬彊攀而上大石嶒峻幾
難容足向西北越五層達坂如登天然始至貢古魯克山頂又
名庫庫爾圖鼻息如促得駐足焉東西橫互山脊有舊鄂博二
右邊鄂博下有舊穴因將勘分爲什界銅牌填入封固俾誌久
遠於西南三四步又新建一博遂犄角而三矣計程百六十里
二十四日出口向南行百二十里至雅滿蘇口行數里出山口
二十里卽雅滿蘇河水三道皆向東北流回莊頗多柴草饒足

謹案約文曰庫庫爾圖俄圖作庫庫爾特克洪圖以貢古魯克與喀克沙勒爲一山據沙克都林札布同俄使咩登斯格勘界日記八月十九日往勘貢古魯克山九月初八日往勘別疊里山由東而西以出烏什喀克沙勒在別疊里之西其非一山明矣貢古魯克山嵐層複巖坂峻險山間溪澗縱橫谷中尤隘凡百餘里僅容單騎有地曰南北郭羅北郭羅通伊犁之伊克哈布哈克卡倫南郭羅則布魯特所遊牧也沙車行紀云自伊犁惠遠城起西南十七站山布魯特遊牧地方直抵烏什爲行兵捷徑道光八年奉旨着伊犁將軍烏什辦事大臣將伊犁南路哈布哈克卡倫烏什迤北貢古魯克卡倫添派官兵巡防不許夷民取道往來今攷伊克哈布哈克卡倫越貢古魯克山以達烏什之路懸崖峭壁險阻異常承平時有人行走亂後路爲賊毀人跡罕到矣西域圖志山圖有古古爾魯克或作庫庫爾特留克卽貢古魯克也新疆

舊圖之可可容山庫庫爾圖山皆貢古魯克之轉音蓋其山延互長袤一名異文土人因分作兩山耳鄒氏約說云界自貢古魯克山口西偏南二十五度迤四十里爲別牒里山口又東北曰喀依車之山有水焉南流入於戈壁

新疆圖說在烏什城西北二百六十里中俄指山梁爲界烏什鄉土志距貢古魯克二百七十里

謹案此山又曰喀伊車或作夾依車西域水道記作海奇洪圖作海車其音轉爲噶吉新疆舊圖分喀依車與噶吉爲二山而噶吉水又出於喀依車其實祇一山也鄒氏約說云界自喀伊山口西偏南二十五度迤三十八里爲貢古魯克山口喀伊車回語剪刀也蓋狀山之峻削

又東曰色勒克塔什之山

新疆圖說卽今色勒塔在烏什城西北一百八十里

又東曰奇什罕布拉克之山

謹案新疆舊圖噶吉東北臻丹西南中列奇哈達坂奇哈卽奇什罕之轉音攷西域圖志伯得里克之東薩瓦布齊之西有卓哈達巴云卓哈達巴在薩瓦布齊鄂拉西南二百里阿克蘇之西北特木爾烏蘇即勒家古河也出其東在庫克墨爾根郭勒西一百里北山下東南流入呼木阿里克郭勒庫克墨爾根源出薩瓦布齊鄂拉在阿克蘇北百餘里呼木阿里克承庫克墨爾根特木爾烏蘇二水合而南流支派非一並入托什干達里雅案卓哈卽奇哈之轉音又轉爲奇什罕蒙古語謂泉爲布拉克言奇什罕山有泉水也勘界日記云自瑚木爾里克下地名別稱似克河一轉之特也山口西行百六十里至臻丹又五十里至英阿拉特瑚木爾里克卽呼木阿里克以西域圖志證之其道里正相合也乾隆二十三年文襄公兆惠奏捕厄魯特自巴爾呼特嶺過造哈嶺造哈卽卓哈土人隨地指名輾轉傳呼古今互異據西域圖志則自哈依車以下諸山統名曰貢古

魯克猶之南山之穆斯塔格喀喇科隴也但今貢古魯克以下諸山之水皆南流伏於戈壁水大時則入大河西域圖志謂特木爾烏蘇諸水並入托什罕蓋就大水時言之也

又東北曰英阿喇特之山英阿喇特水出焉南流一百五十里伏於戈壁

勘界日記光緒八年九月初五日由瑚木爾里克行百六十里馳抵臻丹又五十里至英阿喇特道途曲折山勢崢嶸形勢均同罕騰格里之險照指山中梁劃分爲界

謹案西域圖志作英額阿里克新疆圖說英阿拉特水源出北山南流至英阿拉卡距城一百五十里

又東南曰蒙科素之山

又東曰科克巴什之山

又東曰克底克之山

又東曰臻丹之山有水焉南流一百三十里伏於戈壁

烏什鄉土志距喀依車四百九十里

謹案約文曰珍旦俄圖作眞丹一作哇旦新疆圖說云臻丹水在城東北二百里源出北山南流出山口伏於戈壁

又東北曰烏爾蓋列克之山

又東曰木資魯克之山

又東南曰烏玉布拉克之山

謹案勘界日記作烏依布拉克

又東南曰烏魯呼雅依拉克之山

又東南曰哈沙拉依之山

謹案勘界日記作哈什哈爾西域水道記以喀伊車以下十三山統名曰貢古魯克皆喀克善支峯也由此入阿克蘇界唐書地理志溫肅州西北三十里至栗樓峰又四十里度拔達嶺今阿克蘇爲古溫肅州然則哈沙拉伊以上諸山當卽栗樓峰拔達嶺之地也

其支山曰阿黑沙依嶺

謹案此嶺在烏什城西南烏什鄉土志云在河南面者爲阿黑沙依達坂

曰赫色勒額什墨山

西域圖志在固勒札巴什達巴西南三十五里

一統志在烏什西北

謹案烏什鄉土志作黑子立伊什滿在松木塔什西南一百八十里爲赴喀什噶爾西南之路

曰固勒札巴什嶺

西域圖志在松塔什西南一百里爲烏什西南屏山脈自烏魯鄂拉分支東南行經托什干達里雅南連山不斷至此嶺尤陡絕高數百丈層峯插天東行爲松塔什塔克額爾齊斯哈喇塔克踰烏什而東四百餘里抵托什干達里雅西境其脈始盡案漢書尉頭國南與疏勒接山道不通尉頭爲今烏什疏勒爲今

喀什噶爾今自烏什西南之固勒札巴什達巴東南行踰烏什而東山脈始盡此山之南沙磧千里爲古疏勒東境卽唐書所謂疏勒國環千里多沙磧少土壤者以此揆之則自烏什南山迤西至固勒札巴什達巴更西南一帶之山正當漢時尉頭疏勒兩國間卽漢書謂山道不通者今固勒札巴什達巴以西山徑崎嶇艱於步陟形勢猶可想見

謹案烏什鄉土志作木其別什在松塔什西南

曰松塔什山

西域圖志在額爾齊斯哈喇塔克西南四十里北當孔道因山名地亦稱松塔什

謹案松塔什亦稱松木塔什在其稀布勒孔蓋河南其卡東北距二百五十里

曰登古魯嶺

謹案此嶺在固勒札巴什東東北距烏什城一百五十里

曰衣塔里山產鉛

謹案此山在烏什城西南登古魯嶺之南

曰額爾齊斯哈喇山

西域圖志在烏什西南色帕爾拜西南五十里山形卑小當孔道由此踰天山而北爲伯得里克鄂拉又折而西通布魯特境謹案色帕爾拜在烏什城西南一百四十里西南通喀什噶爾界額爾齊斯哈喇山蓋距烏什城一百九十里也準語額爾齊斯道繁之謂

曰巴什雅哈瑪山

新疆識畧在烏什城西南一百里

謹案洪圖作巴什阿格瑪有卡有莊以山爲名一作巴什牙

滿山

曰瑚什山畢底爾河經其北

西域水道記烏什城西九十里爲畢底爾卡倫東有小石山高

聳曰瑚什賴黑木圖之亂賊據此峰以拒官軍畢底爾河經其北分二支並東流經鷹落山又東經烏什城北

曰鷹落山

謹案此山在烏什城西南別疊里水之東其稀布勒孔蓋河之北

曰默爾徹爾山其上生燕子石其下水銀有蛇焉見則大雹

西域水道記烏什城據山之東南而其山孤立距衆山皆七八里阿文成公年譜載公奉烏什之亂云賊運糧於城內默爾徹爾山是其名矣山勢險峻回語謂山石突出爲烏赤烏赤卽烏什也

謹案此山今名烏赤山又名燕子山在烏什廳署西與西城相接山上有卡台一座昔年築城掘此山得水銀近因其石堅硬無人能採取者

曰庫魯克塔哈山

謹案此山一作魁木克在屯珠素山東北烏什城南二百里
曰屯珠素山

新疆圖說在烏什城南二百四十里與柯坪連界

曰東依山托干河逕其東

謹案此山在烏什城東洋海驛出其北

曰察勒瑪塔山

謹案此山在烏什城西北爲別疊里山南出分支依布拉卡
在其東麓卡距城一百三十里

以上烏什境內支山

